

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ - СИЁСИЙ ГАЗЕТАСИ

№ 126 (10.179)

2004 йил 1 июль

ПОЙТАХТНИНГ Бир кунни

Янгиликлар, воқеалар

ҚИСКА

● **ЎТГАН** кунни Шайхонтоҳур туманида Тадбиркорлар ва ишбилармонлар ҳаракати - Ўзбекистон либерал-демократик партияси Тошкент шаҳар Кенгаши томонидан партиянинг мақсад ва вазифаларини тарғиб-ташвиқ қилиш ишларини амалга оширишнинг чораларига бағишланган тадбир бўлиб ўтди.

● **ЎЗБЕКИСТОН** Банклари ассоциацияси томонидан банклар ходимлари, бухгалтерлари иштирокида молиявий ҳисоботларни халқаро андозалар асосида юритиш, банк соҳаси бухгалтерларининг малакасини оширишга бағишланган семинар-тренинг бўлиб ўтди.

● **ТОШКЕНТ** шаҳар ИИББ йўл ҳаракати хавфсизлиги бошқармаси, Тошкент шаҳар Халқ таълими бош бошқармаси ҳамда Қизил Ярим Ой жамияти Тошкент шаҳар бўлими ҳамкорликларида ташкил этилган семинар йўл ҳаракати хавфсизлиги қоидаларини аҳоли, айниқса болалар ва ўсимлар ўртасида кенг тарғиб қилиш масаласига бағишланди.

● **ЎЗБЕКИСТОН** Ёзувчилар уюшмасида шоир Мирпўлат Мирзоянинг «Сайланма» китоби тақдироти ўтказилди.

● **КЕЧА** Мирзо Улуғбек номидаги Ўзбекистон Миллий университетининг 14-талабалар ётоқхонасида ёшлар ўртасида гивандлик иллоти тарқалишининг олдини олишга бағишлаб ўтказилган тадбирда талабалар, Тошкент шаҳар Соғлиқни сақлаш бош бошқармаси вакиллари, нарколог шифокорлар иштирок этишди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

САЙЛОВ КАМПАНИЯСИДА ТАШВИҚОТ ВА РЕКЛАМА

Шу йил мамлакатимизда илк бор икки палатали парламент ва давлат ҳокимияти маҳаллий вакиллик органларига сайлов бўлиб ўтади. Бўлажак сайлов аввалгиларидан тубдан фарқ қилади. Қонунчилик палатаси кўппартиявийлик асосида шаклланади. Шу боис сиёсий партияларнинг тарғибот-ташвиқот ишлари алоҳида аҳамият касб этади.

Ўзбекистон Халқ демократик партияси марказий кенгаши ва Фуқаролик жамиятини ўрганиш институти томонидан уюштирилган «Сайлов кампаниясида ташвиқот ва реклама» мавзусидаги семинар-тренингда шулар ҳақида фикр юритилди. Унда партия фаоллари ва Фуқаролик жамиятини ўрганиш институти ходимлари ҳамда оммавий ахборот воситалари вакиллари иштирок этди.

Ўзбекистон ХДП марказий кенгашининг биринчи котиби Аслиддин Рустамов йиғил-

ганларни ушбу сиёсий тадбирнинг мақсади, сайлов кампаниясида партия томонидан олиб бориладиган ташвиқот ва реклама ишларининг умумий йўналишларига оид ишлар билан таништирди.

Фуқаролик жамиятини ўрганиш институти директори А.Раҳмонов ва шу институтнинг лойиҳа раҳбари, профессор Ф.Мўминов сайлов кампаниясида ташвиқот ва рекламанинг аҳамияти ҳусусида тўхталди.

Т.БОТИРБЕКОВ,
ЎЗА мухбири

ҚОНУН УСТУВОРЛИГИНИ ТАЪМИНЛАШ ЙЎЛИДА

Прокуратура органлари ўзларига юклатилган назорат фаолиятини амалга оширишда асосий эътиборни барча соҳада қонун устуворлигини таъминлаш, фуқаролар ҳуқуқларини ҳимоя қилиш ҳамда қонунбузарликларнинг олдини олишга қаратмоқда.

Иқтисодиёт ва ижтимоий жабҳаларда қонун устуворлигини таъминлашда шарҳнома интизомини янада мустаҳкамлаш, ҳусусийлаштириш, биржалар фаолияти ва капитал қурилиш соҳаларида, паст рентабелли шриктларни фермер хўжаликларига айлантиришда қонунийликни таъминлашга алоҳида эътибор берилмоқда.

Тошкент шаҳар прокуратурасида солиқ соҳасидаги ҳуқуқбузарликларни фош этиш, текшириш ва суриштирув ўтказишда тадбиркорларнинг ҳуқуқларини ҳимоя қилиш масалаларига бағишлаб ўтказилган илмий-амалий семинарда шу ҳақда гап борди.

Ўзбекистон Республикаси Бош прокуратураси то-

монидан ташкил этилган мазкур анжуманда пойтахт ва Тошкент вилояти прокуратураларининг солиққа оид қонунчилик ижроси устидан назорат бўлими прокурорлари, ушбу прокуратуралар ҳузуридаги Солиқ ва валютаси оид жиноятларга қарши курашиш бошқармаларининг раҳбарлари иштирок этди.

Тадбирда Бош прокуратура қонунчиликни мустаҳкамлаш муаммолари ва прокурор-тергов ходимлари малакасини ошириш маркази, Адлия вазирлиги, Давлат солиқ қўмитаси, Республика товар ишлаб чиқарувчилар ва тадбиркорлар палатаси, Деҳқон ва фермер хўжаликлари уюшмаси, «Ўзтадбиркор-банк» акциядорлик-тиж-

рат банки мутахассисларининг солиқ қонунчилиги соҳасида, тадбиркорлик субъектларининг фаолиятини текширишда тадбиркорларнинг қонун билан кафолатланган ҳуқуқ ва манфаатларини ҳимоя қилишга оид маърузалари тингланди.

Анжуманда ҳуқуқбузарликларга қарши курашда ҳуқуқни муҳофаза қилувчи идоралар ходимларининг билим ва малакасини ошириш, тадбиркорларнинг ҳуқуқий онгини юксалтириш, уларга қонунлардаги ўзгаришларни ўз вақтида етказиш билан боғлиқ масалалар юзасидан фикр ва мулоҳаза юритилди.

Бехзод НОРБОВЕВ,
ЎЗА мухбири

ИСЛОҲОТЛАР — РИВОЖЛАНИШНИНГ АСОСИЙ ОМИЛИ

Халқ депутатлари Тошкент шаҳар Кенгашининг сессиясидан

Кеча халқ депутатлари Тошкент шаҳар Кенгашининг навбатдаги сессияси бўлиб ўтди. Уни Тошкент шаҳар ҳокими Рустам Шоабдурахмонов олиб борди. Сессияда иқтисодиётни эркинлаштириш жараёнини давом эттириш йўлида корхона ва ташкилотларда таркибий ўзгаришларни жадаллаштириш масалалари кўриб чиқилди ҳамда Меҳр ва мурувват йили дастурининг бажарилиши муҳокама этилди.

Таъкидлаш лозимки, бугунги кунда барча хўжалик субъектлари бозор иқтисодиётининг асосий, дастлабки даври босқичидан ўтди. Турли мўлқчилик шаклида иш юритиш жараёнида аксарият корхона ва ташкилотлар учун муваффақиятлар ва истиқболли кўрсаткичларга эришишда рақобат мўҳити мавжудлиги негочлиқ муҳим эканлиги, бу борада ҳар бир соҳада технологик жараёнларни такомиллаштириб бориш, кадрлар савиясини бозор иқтисодиёти талабларига мос равишда юксалтириш зарурлигини амалиётда англашга имконият туғилди.

Ушбу масала юзасидан маъруза қилган Давлат мўлқ қўмитаси Тошкент шаҳар бошқармаси бошлиғи Алишер Каримов таъкидлаганидек, айни пайтда бозор ислохотларини чу-

қурлаштириш даврида ҳар бир хўжалик субъектининг реал ҳолатини инобатга олиб, шунингдек уларнинг давлат активларини эркин равишда ҳақиқий инвесторларга сотиш йўли билан давлат боқимандалигидан ҳалос этиш орқали корхона ва ташкилотларда мўлқчилик шаклини тартибга келтиришга йўналтирилган таркибий ўзгаришларни давом эттириш биринчи галдаги вазифалардан ҳисобланади.

2003-2004 йилларда корхоналарни давлат тасарруфидан чиқариш ва ҳусусийлаштириш бўйича ҳукумат дастурига асосан Тошкент шаҳри бўйича 397 та хўжалик субъектларини ҳусусийлаштириш режалаштирилган бўлса, бугунги кунда ушбу вазифанинг деярли 60 фоизи бажарилган. Маълум бўлишича, ушбу жараён бир неча йўналишдан иборат. Чунон-

чи, ўтган вақт давомида 124 та корхонанинг Низом жамғармасида 25 ёки ундан кам фойза бўлган давлат улушлари сотилган. Ҳозирги пайтда яна 51 та хўжалик субъектининг давлат активлари биржа савдосига чиқарилган.

Ўз навбатида, ҳусусийлаштирилган корхонанинг давлат активлари бошланғич тархиви босқичма-босқич пайсайтириш тартибидан тизим бўйича 51 та корхонадаги давлат улуши 1,4 миллиард сўмга сотилган. Таъкидлаш керакики, бу тоифага асосан паст рентабелли, иқтисодий ночор корхоналар киритилган бўлиб, маърузачининг фикри билан айтганда, инвесторлар томонидан уларга талаб юқори бўлмоқда.

Давоми 2-бетда.

XXI саҳоси
Барча маълумотлар
олинган сўнгги хабарлар

Мамлакатимизда

● Ўзбекистон Республикаси Конституциявий суди Америка юристлар ассоциацияси билан ҳамкорликда суд этикасига оид халқаро семинар-тренинг ўтказди. Унда ривожланган давлатларнинг бу борадаги тажрибасини ўрганиш зарурлигига эътибор қаратилди.

● Олий Мажлисининг Ёшлар ишлари қўмитаси аъзолари Жиззах шаҳри, Зомин ва Зарбдор туманларида бўлиб, ёшлар, маҳалалар аҳли билан учрашувлар ўтказди.

● Бўстон шаҳрида Қорақалпоғистон Республикаси ва Хоразм вилояти донни қайта ишлаш корхоналари раҳбарларининг ҳудудий семинари бўлиб ўтди.

● Бухоро вилоятидаги Вобкент шаҳрида янги туманларо «Вобкент» бизнес-инкубаторининг тақдироти бўлиб ўтди. Бизнес-инкубатор тадбиркорларга бизнесни юритиш учун лозим бўлган барча хизмат турларини кўрсатади.

● Яқинда очилган Фуқаролик жамиятини ўрганиш институтининг Хоразм филиали ўзининг илк семинар-тренингини ўтказди.

● Андижон шаҳри ва унинг атрофларида истиқомат қилувчи аҳолига транспорт хизмати кўрсатишни янада яхшилаш мақсадида 50 та янги автобус ажратилди.

Жаҳонда

● Европа Иттифоқининг навбатдан ташқари саммитида Португалия Бош вазирини Жозе Мануэла Баррозин жорий йилнинг октябрга ойи охирида истеъфода чиқадиган Романо Проди ўрнига Еврокомиссия раҳбарлиги лавозимига тавсия этилиши тўғрисида қарор қабул қилинди.

● Индонезия пойтахти Жакартада ҳудудий интеграция ва халқаро терроризмга қарши ҳамкорликда кураш мавзусига бағишланган Жануби-Шарқий Осиё давлатлари ассоциациясининг 37-анжумани бўлиб ўтди.

● Кувейт ташқи ишлар вазирлиги Ироқ билан дипломатик алоқалар тўла тикланганини маълум қилди.

● Эстония, Литва ва Словенияда умумий евроқудудга кириш ва еврога нисбатан ўз миллий валюталарининг қадрини мустаҳкамлаш ҳаракатлари бошланди.

● УЕФАнинг назорат-тартиб қўмитаси Евро-2004 иштирокчилари томонидан йўл қўйилган қондабузарликлар учун жарималар миқдорини тасдиқлади.

ТОШКЕНТ ШАҲАР ҲОКИМЛИГИДА

Тошкент шаҳар ҳокими қарорига мувофиқ

Накилов Ковилхон
Усманханович
Ақмал Икромов тумани ҳокими
этиб тайинланди.

Иқтисодиёт

15 ХИЛДАГИ
КЎЗГУЛАР

Пойтахтимиздаги Республика ногиронлар жамиятига қарашли «Надежда» шўъба корхонаси 1993 йилда ташкил этилган бўлиб мазкур корхонада бугунги кунда 30 нафар турли мутахассислардан иборат ишчи-хизматчилар ойига 2-3,5 миллион сўмлик сифатли халқ истеъмоли моллари ишлаб чиқармоқдалар.

Бу ерда 50 дан ортиқ турдаги харидорбон маҳсулотлар ишлаб чиқарилаётган бўлса, шулардан 15 хилини ранг-баранг, кўркем кўзгулар ташкил этади. Утган йили жамоа аъзолари Республика темир йўл компанияси буюртмаси - вагонлар учун 500 минг дон таркибий қисмлар, яъни 50 миллион сўмлик маҳсулот тайёрлаб беришди.

Айни кунларда янги мижозлар - Қозғистон темир йўллари компанияси учун ҳам худди шундай буюртмага шартнома имзоланди. Жумладан, корхонада тайёрланаётган турли-туман пластмасса идишлар сифати, кўркемлиги, таннархининг нисбатан арзонлиги сабаб ҳам пештахталарда узоқ туриб қолмайди.

Ички бозорни чуқур ўрганиш асосида ишни юритиш, тадбиркорлик, асосийси, сифатга эътибор қаратган ҳолда янгилликка интилиш жамоа ахлини муваффақиятларга етакламоқда.

ИККИ
БАРАВАРГА
КЎПАЯДИ

Нафақат республика-мизда, балки Мустақил Ҳамдўстлик Давлатлари - Грузия, Қозғистон, Қирғизистон давлатларида ҳам харидоргир ҳисобланган инъекцион дорининалар «МЕДІЗ» кўшма корхонасида ишлаб чиқарилмоқда.

Бу корхонада тайёрланаётган бир маротаба ишлатиладиган 1, 2, 5 ҳамда 10 миллиметрли дорининалар ҳамда 2 хилдаги инфузион ва трансфузион тизимлар анчайин эҳтиётсизлаб тиббиёт маҳсулотлари сирасига киради. Шу боисдан ҳам корхона раҳбариятининг сайёҳаракатлари билан ишлаб чиқариш кенгайтирилди ҳамда маҳсулотлар ҳажми-ни 2 бараварга кўпайтириш имконияти яратилди.

Утган йили кўшма корхонада 88,3 миллион дон дорининалар ҳамда 2,2 миллионга тизим тўпламлари ишлаб чиқарилган бўлса, жорий йил охиригача жами 147 миллион дон бир маротаба қўлланиладиган дорининалар ҳамда 4,1 миллионга тизимлар тайёрланиб, юртимизнинг ички бозорига ва экспортга жўнатиш режаланганлиги эътиборга молик.

Муҳаббат
ҲАБИБУЛЛАЕВА

Давоми. Боши 1-бетда.

Ўзбекистон Президентининг «Иқтисодиётда хусусий секторнинг улуши ва аҳамиятини тубдан ошириш бўйича чора-тадбирлар тўғрисида»ги Фармонида мувофиқ ўз Низом жамғармасида 50 минг АҚШ долларига тенг эквивалент равишда пул маблағи мавжуд бўлмаган 115 та акциядорлик жамиятлари мулкчиликнинг масъулияти чекланган жамият шаклига ўтказилган. Шулардан 61 тасининг давлат улушлари тегишли меъёрий ҳужжатга асосан биржа савдосидан олиниб, жамоа ихтиёрига топширилган.

Шунингдек, Вазирилар Маҳкамасининг 2003 йилнинг 26 августдаги қарори билан тасдиқланган махсус таркибга биноан давлат тендер комиссиясига инвесторларга бепул бериш учун бир неча иқтисодий но-чор корхоналарнинг рўйхати тақдим этилган. Бугунги кунда бу тоифадаги ҳўжалик субъектларидан утаси — Мирзо Улуғбек туманидаги 9 қаватли бино, 29-болалар мактабгача бошланғич муассасаси, «Ўзгўлмахсусавтотранс»нинг учинчи автокорхонаси маҳаллий инвесторларга 930 миллион сўмга тенг инвестицион мажбуриятлари билан бепул топширилган. Бундан ташқари шу таркибдаги 13 та объектдан 4 таси — 1-автокорхона, 6-болалар стоматология поликлиникаси, Сергели туманидаги қурилиш тугалланмаган иншоот ҳамда яқинда француз фирмаси талабгор бўлган Мирзо Улуғбек туманидаги 60-болалар мактабгача тарбия муассасасини инвесторларга топширишга тайёргарлик кетмоқда.

Шу билан бирга, маърузачи алоҳида таъкидлаб ўтганидек, хусусийлаштириш жараёнига тўсиқ бўлаётган камчиликлар ва муаммолар ҳам мавжуд. Афсуски, айрим корхоналар бўйича ҳўжалик раҳбарларнинг лоқайдлик кайфияти хануз давом этмоқда. Хусусан, корхона раҳбарларининг тегишли ҳужжатларни вақтида расмийлаштириб тақдим этмагани сабабли «Хизмат қўрсатиш бўлими», «Суваббобуқунамаш», «Мархур», «Ралли-спорт» каби субъектлар бўйича белгиланган муддатда тегишли вазифаларнинг ижроси таъминланмади. «Тоштемирйўлиношоттаъмир», «Тошкент-гўштсавдо», «Тошкентсиклиқ маркази» корхоналарининг давлат улушларига ҳам раҳбарлар томонидан тегишли чоралар қўрилмаган ва аниқ тақлифлар киритилмаган. Жумладан, сессияда «Тошқишлоқмаш», «Фотон», «Тошкент отчопари» акциядорлик жамиятларининг молиявий ҳўжалик аҳоли алоҳида муҳомаа этилди. Аниқланишича, «Тошқишлоқмаш» АЖнинг қимматли қўғозлари юзасидан тегишли ишлар олиб борилмаган. Корхона раҳбарининг сўзига қараганда 2 йилдан буён санация жараёнида фаолият юритаётган мазкур жамият жорий йилнинг биринчи ярми бўйича вазифаларни тўлиқ бажарган, маҳаллийлаштириш дастури амалга татбиқ этилмоқда. Қўтилаётган фойда мийдори 2 миллион сўмни ташкил қилиши белгиланган. Бироқ АЖнинг дебитор қарзлари кредитор қарзларидан анча катта бўлгани боис юқоридagi қўрсаткичлар бамайлихотирликка ундай олмайд. Қолаверса, мамлакатимиз иқтисодиётида муҳим аҳамиятга эга бўлган бу корхонанинг эртанги кунга ҳам хавотирга солмаслиги мумкин эмас. Катта ишлаб чиқариш майдонларига эга бўлган «Тошқишлоқмаш» корхонасининг

Низом жамғармаси атиги 2,4 миллиард сўмга тенг бўлса-да, унинг 71 фоиз активларининг тақдирини хануз ҳал этилмаган. Давлат улушлари 25 ва 51 фоиз бўлган «Фотон» ва «Тошкент отчопари» акциядорлик жамиятларининг молиявий-иқтисодий аҳоли ҳам шундай аянчли ҳолдалигича қолмоқда.

Сессияда туман ҳўкимликлари, ҳўжалик раҳбарлар, тошхили тўқималар эътибори корхоналарнинг сотилмаётган қимматли қўғозлар пакетларини ҳамда инвесторларни хозирча ўзига жалб эта олмаётган объектлар бўйича аҳолини атрофлича ўрганиб, тегишли чора-тадбирлар ва тақлифларни тез кунда қўриб чиқиш ва ўз зиммасига аниқ инвестицион мажбуриятлар олган тақдирда уларни сармоядорларга бериш тажрибасини кенгроқ қўллаш,

ИСЛОҲОТЛАР —
РИВОЖЛАНИШНИНГ
АСОСИЙ ОМИЛИ

бу эса пировардида мулкчиликни ўзгартириш масаласига ҳар томонлама ўйлаб ёндошиш даркорлигига қаратиб ўтилди.

Шубҳасиз, бозор ислоҳотларини чуқурлаштириш борасида қилинаётган барча сайёҳаракатлар нафақат ҳўжалик субъектларининг аҳолини яхшилаш, балки авваламбор умумий макроиқтисодий барқарорлиқни таъминлашга йўналтирилган ва албатта яқунли натижада аҳолининг турмуш даражасини ошириш, ижтимоий ёрдамга муҳтож кишиларга нисбатан амалий ишларни кучайтиришга қаратилгандир. «Меҳр ва муруват йили» бўйича дастур ҳам шу тарзда олиб борилаётган чора-тадбирларнинг янада кенгроқ ва фаолроқ бўлишини инобатга олган ҳолда шакллانган. Сессияда бу борада амалга оширилган ишларга ижобий баҳо берилди. Айниқса, Меҳрибонлик уйлари, мактаб-интернатлар, ногиронлар, ёлғиз қарияларга бўлган эътибор янада кучайиб бораётгани хусусида алоҳида сўз борди. Хусусан, Тошкент шаҳар ҳўкимий ўринбосари Анвар Аҳмедов таъкидлаб ўтганидек, бугунги кунда Меҳрибонлик уйлариининг моддий-техник негизини янада такомиллаштириш билан бирга биринчи галда бундай муассасаларда тарбия олаётган фарзандларимизни руҳан, маънан қўллаб-қувватлаш масаласига ҳам эътибор берилмоқда. Ушбу йўналишда шаҳар ҳўкимлигининг ҳар бир Меҳрибонлик уйини корхона, муассаса, ташкилотнинг бевоқиф раҳбарларига бириктириш юзасидан ташаббуси қўпчилик томонидан эътироф этилмоқда. Тарбияланувчиларни ишга ва ўқишга жойлаштириш, воғга етгунга қадар уларни алоҳида уй-жой билан таъминлаш бўйича тегишли ишлар мунтазам йўлга қўйилган. Сессияда сўзга чиққан «Қамолот» Ёшлар ижтимоий ҳаракатининг Тошкент шаҳар бўлими раиси Фурқат Маҳмудхўжаев, депутат Муҳаммад Расулова, Тошкент шаҳар Соғлиқни сақлаш бош бошқармаси бошлиғи Миралишер Исмолов бу йўналишдаги ишларни таҳлил қилар экан, шу кунга қадар Меҳрибонлик уйларига ажратилаётган маблағлар максадли равишда тақсимланмаётгани, улар болаларнинг эҳтиёж ва истаклари ўрганилмасдан асосан озик-овқат ва кийим-кечаклар билан таъминлаш-

га йўналтирилаётгани хусусида фикр билдиришди. Шунингдек, Меҳрибонлик уйларида тарбияланаётган ёшларга ажратилаётган уй-жойларининг сифати бўйича билдирилган эътирозлар ҳам ўринли. Бундан ташқари, депутатлар томонидан тегишли меъёрий ҳужжатларга ўзгартириш киритиш даражасида ота-онасиз бўлган болаларни воғга етгунга қадар фақат битта муруват уйида тарбиялашни жорий этиш, уларнинг олий ўқув юртларида тахсил олишлари учун имтиёзлар яратиш масаласи ҳам қўриб чиқилиши ҳақида тақлифлар билдирилди.

Айтиб ўтиш жоизки, кейинги пайтларда Меҳрибонлик уйлариини доимий равишда дори-дармон билан таъминлаб туришда туман худудий тиббиёт бўлимлари томонидан олиб борилаётган сайёҳаракатларни қўллаб-қувватлаш мумкин. Шу билан бирга сессияда ушбу масалага урғу берилгани ҳолда айнан шаҳар Соғлиқни сақлаш тизимида ҳар бир Меҳрибонлик уйини юқори малакали врачлар билан таъминлаш, шунингдек, айрим туманларда «03» хизмати моддий-техник негизини тегишли равишда, яъни аҳолига, шу жумладан Меҳрибонлик уйлари тарбияланув-

чиларига вақтида ва самарали тиббий ёрдам қўрсатиш даражасида такомиллаштириш лозимлиги айтиб ўтилди. Меҳр-муруват дастурига мувофиқ жорий йилнинг биринчи ярмида Меҳрибонлик уйлариини таъмирлаш ишларига бюджетдан 35 миллион сўм сарфланган бўлса, йил якунигача яна 54 миллион сўмни ўзлаштириш режалаштирилган. Сессияда ушбу мавзуда сўзга чиққан Тошкент шаҳар ҳўкимининг ўринбосари, шаҳар хотин-қизлар қўмитаси раиси Фарида Абдурахимова дастур доирасида қилинган ишлар юзасидан ҳисобот бериб, ўтган вақт давомида биринчи галда эътибор кам таъминланган, қўп болали оилалар, ёлғиз қарияларни моддий ва маънавий қўллаб-қувватлашга қаратилганини таъкидлади. Жумладан, 9,8 минг кам таъминланган оилага 177,4 миллион сўм, фарзанди қўп бўлган 18,8 минг оилага 505,6 миллион сўм ажратилган. 300 мингга яқин қариялар, 100 мингга яқин ногиронлар тўлиқ диспансеризациядан ўтказилиб, уларнинг 80 фоизи стационар ва амбулатор равишда даволанган. Даромади кам бўлган оилаларнинг 1,7 минг квадрат метр уй-жой майдонлари тўлиқ таъмирдан чиқарилган.

Болалар спортини ривожлантириш дастури бўйича ҳам сезиларли ишлар олиб борилган. Бугунги кунда 46 та маҳаллада спорт майдончалари қайта таъмирланиб, бирламчи жиҳозлар билан таъминланган бўлса, 69 та объектда қурилиш ишлари давом эттирилмоқда.

Сессияда депутатлар томонидан ушбу йўналишдаги ишларнинг таъсирчанлигини ошириш, айниқса ўқув юртлари, маданий-оқартув муассасалари, маҳаллалар, Меҳрибонлик уйларига бўлган эътиборни янада кучайтириш лозимлиги ва бу борада биринчи навбатда ҳўкуматимиз томонидан ҳар томонлама қўллаб-қувватланаётган аёллар фаолияти алоҳида урин тутиши хусусида фикр-мулоҳазалар билдирилди.

Тошкент шаҳар Кенгашиининг сессиясида барча қўтарилган масалалар юзасидан тегишли қарорлар қабул қилинди. Шунингдек, сессияда Тошкент шаҳар ҳўкимининг айрим қарорлари депутатлар томонидан тасдиқланди ҳамда ташкилий масалалар қўриб чиқилди.

Ильмира ЗАЙНУТДИНОВА

Бунёдкорлик

ТАЛАБАЛАРГА
ҚУЛАЙЛИК

Пойтахтимиздаги Юнус Ражабий номли педагогика коллежида касб-хўнар эгаллаётган талабалар янги ўқув йилида янада қулай, шинам хоналарда билим оладилар.

Бунинг учун айни кунларда коллеж биносини замонавий тарзда тиклаш ва қайта қуриш ҳамда жиҳозлаш ишлари қизиган давом этмоқда. Бунёдкорлик юмушларини тендер савдосида ғолибликни қўлга киритган, қурилиш ишларида ўзига хос тажрибага эга бўлган «Турон-марказқурилиш» акционерлик жамиятининг 3-қурилиш бошқармаси қурувчилари бажаришмоқда.

Бугунги кунга келиб «А» блокада барча ишлар ниҳоясига етган бўлса, «Б» блокада қайта қуриш ишлари тобора жадаллашмоқда. Бу борада бош пудратчиларга «Чирчиқэлектромонтаж» трести, «Таъмирқурилиш» хусусий фирмаси, «Хамкорқурилиш», «Туронсервис» шўъба корхо-

налари, 1-механизация бошқармаси ишчи-хизматчилари, турли касб эгалари ёрдамчи пудратчи сифатида яқиндан кўмак беришмоқда.

Насиб этса, коллеж ўқитувчилари ва талабаларига ушбу бинолар қалитларини замонавий таъмирланган ва жиҳозланган ҳолда янги ўқув йилида, Истиқлол байрами шодиёнаси

арафасида топширишни режаланганмиз, — дейди бошқарма бош муҳандиси Маҳмуд Миромедов. — Ўқув ва машғулот хоналаридан ташқари спорт зали ва ёзги спорт майдончалари, ошхоналар ҳам талабалар даражасида қайта қурилмоқда. Қурилиш-тиклаш ишлари ниҳоясига етган эса бинолар ён-атрофи, коллеж ховлисида ободонлаш-

тириш ишлари ҳам бошлаб юборилди. Уйлаймизки, қурувчиларимизнинг бугунги меҳнат самараси, албатта коллеж жамоасини мамнун этади. Шуни назарда тутган ҳолда сифат ва тезкорликка, мустаҳкамликка катта эътибор қаратаймиз.

Ҳа, Тошкент шаҳрини лойиҳалаш ва қайта қуриш институти мутахассислари лойиҳаси асосида янгитдан бунёд этилаётган коллеж бинолари тез кунда чирой очиб, 800 нафарга яқин талабани ўз бағрига олади. Бу, албатта айни кунларда ёзининг жазирамасини ҳам писанд қилмай ваъдани удаллаш йўлида меҳнат қилаётган 200 нафардан зиёд қурувчининг гайрат-шижоати натижасидир.

Аскар ТОШПҮЛАТОВ

Саҳна

ИХЛОСМАНДЛАРГА АРМУҒОН

«Илҳом» театр-студиясида «Уруш тўғрисида нималарни биласиз?» деган янги спектаклнинг премьераси бўлди. Француз ёзувчиси Роберт Бобернинг бу асари асосида чет мамлакатларда қатор постановкалар қўйилган.

Асарнинг республикамиз пойтахтидаги сахнавий талқини эса Виктор Гюго номидаги Француз маданияти маркази ҳамда «Илҳом» театр-студияси ижодий ҳамкорлигида юзага келди. Таниқли режиссёр Марк Вайл томонидан сахналаштирилган мазкур спектакль томошабиларга манзур бўлди ҳамда театр репертуаридан ўрин олди.

ХАМКОРЛИК ИСТИҚБОЛЛАРИ

Ўзбекистон Бадий академиясининг Камолдидин Бехзод номидаги Миллий рассомчилик ва дизайн институтида хорижий мамлакатлардан келган ёш истеъоддорлар ҳам таҳсил олиб, ижодий камолот сари йўлланма олишмоқда. Жанубий Корея, Италия, Франция каби мамлакатлар бадий олий ўқув юртлири билан ҳамкорлик ҳам ўз самарасини бермоқда.

Бу каби ибратли фаолияти учун институт маданий мерос бўйича Халқаро Осие академиясига аъзо этиб қабул қилинди. ЮНЕСКО ташкилоти ҳомийлигида фаолият олиб бораётган ушбу академия ҳамкорлигида Бехзод номидаги институт малакали кадрлар тайёрлаш билан шуғулланади.

Олий ўқув юртида ЮНЕСКОнинг арт-менеджмент бўйича кафедрасининг очилиши айтиш мумкин бўлди. Шунингдек, олий ўқув юртида бадий суратчилик ва компьютер графикаси, заргарлик санъати ва бадий ойнасозлик бўйича устлар тайёрлаш кўзда тутилмоқда.

МУСИҚАЛИ

ДАСТУР ЯНГРАДИ

Таниқли бастакор Тўлқин Қурбоновнинг «Еттинчи симфония»си энг яхши йирик мусика асарларидан бири сифатида ижобий баҳо олган. Ана шу оҳангларга бой мусика яқинда санъат шинавандаларига тақдим этилди.

Гап шундаки, Тўхтасин Жалилов номидаги Ўзбекистон Халқ чоғу асбоблари Давлат академик оркестри ўзининг 65 йиллик санаси муносабати билан катта концерт дастурини тайёрлади. Кўпгина тароналардан ташкил толган мазкур томошада «Еттинчи симфония»нинг ижро этилиши кўпчилики мамнун этди.

Ўзбекистон Давлат консерваториясида республика халқ артисти, профессор Форрух Содиков дирижёрлигида намойиш қилинган бу концертда қатор ёш муаллифларнинг асарлари ҳам янгради.

Ақбар АЛИЕВ

Кўпчилик ҳамшаҳарларимиз мана шундай қулайликлардан беминнат фойдаланишадилар. Ҳақини тўлашда кўпчиликни сарсон қилиш керак? Кейинги пайтда шахримиз туманларидан мана шундай истеъмолчилар кўлаб учраётганини ачинарли ҳолдир. Уларнинг тўловларни йўллаб бажармаслиги эса, албатта ён-атрофдагиларга, қўни-қўниларга сифатли хизмат кўрсатилишига зиён етказиши, шубҳасиз. Негак бозор иқтисодиёти шароитида ҳамма нарса маблага бориб тақалгач, носозликларни вақтида бартараф этиш ҳам осон бўлмайди. Чунки истеъмолчилардан тушган маблагларнинг маълум қисми ана шунга сарфланади.

Истеъмолчилар хизмат кўрсатувчилар ишидан нозир бўлишганда, (албатта, аниқ мисоллар асосида) ойлик маошларини вақтида ололмади қийналганида балки уларни тушуниш, имконият бериш мумкин. Лекин тўловга қўриб етиб туриб, яъни данғиллама уйлар, қўша-қўша гилам ва телевизорлар, тагида машинани вангиллатиб ҳайдаб юришсаю тўловларга келганда пайсалга солишса, пул йиғувчи назоратчиларни сарсон қилиб, эшик очмаса уларга нима дейиш мумкин?!

Туманимизда ана шундай хонадон соҳиблари анчагина, — дейди «Сувсоз» трести унитар корхонасининг Шайхонтохур туман сув тақсими бўлимининг Халима Оролова. — Бир неча маротабалик оғохлан-тиришлар, маҳалла фаолларининг аралашуви, ҳаттоки судга беришлар ҳам беҳуда кетмоқда. Тўлов йиғишга келган ходимларимиз эса улар белпандлик билан ҳайдаб солишгача боришмоқда. Ёки умуман эшикларини очишмайди, киришга уриниб қўриқчи, адабингизни ейсиз. Хоҳ ишонинг, хоҳ йўқ, ходимларимиз уларнинг эшиги олдида ҳар кун оворая сарсон, — қачон эшик очилишини кутишадими-да. Мана ҳозир яна

ўшандай хонадонлардан бирига кетаямиз, юринг. Мутасаддилар билан биргаликдаги рейдимиз давомида тумандаги Колхозная кўчаси 90-а»-уйга яқинлашганимизда, «бахтимизга» дарвоза очик экан. «Тез улгурмасак, ҳозирок

чертдик. Уларнинг 2002 йилдан буёнги қарзлари 354 минг сўмдан зиёд. Хонадонда 8 киши — кампининг қиз ва неваралари истиқомат қилиб, уларнинг 3 нафари ишлар экан. Лекин Зоя Абдуллаева 15 минг пенсия пули олишини, бу

Бетга айтганини захри йўқ

ҚАРЗИНГИЗНИ ТЎЛАШГА ШОШИЛИНГ

«Олдиндан оққан сувнинг қадри йўқ», дейишди. Бу бежизга айтилмаган. Шаҳарда яшаймиз: газимиз қишин-ёзин гуриллаб ёнади, бир жўмрақни бурасак совуқ, бошқасини бурасак иссиқ сув шариллаб оқиб турибди. Баъзи нохуш ҳолатларни ҳисобга олганимизда қишда уйларимиз иссиқ, ахлат ташувчи машиналар ҳар тонгда айланиб кўчалардаги, кутилардаги чикиндиларни олиб кетишди. Буларнинг барчаси оғиримизни енгил, мушкуллимизни осон қилади. Лекин ана шу қулайликларнинг қадрига етганми?

ёпиб олишди», — деди ходимлардан бири ва югуриб эшик тутқичини ушлаб олди. Лекин ҳовлига кирганимиз билан, уй маҳкам қулфлаб олинди, чакиришга қарамай ҳеч ким кўринмади. «Шукрулла-С» фирмаси директорининг хонадонда бирикки кун олдин совуқ сув тўловини бажаргани, яъни 2002 йилдан буён 108.247 сўм қарз бўлгани сабабли совуқ сув бериш тўхтатилган экан. Қизиғи шундаки, биз борганимизда дарвоза ичкарига ўрнатилган чиройли раковинага жўмрақдан шариллаб сув оқиб турарди...

Мана кўрдингизми, ўзбосмолчилик билан яна сув қувурларига улаб олишганини, буларга қандай чора кўришга ҳам ҳайронмиз, на маҳалладан, на қўшнилardan уялишди, — деди Халима Оролова афсус билан.

Иккинчи истеъмолчи — туманининг Каттабоғ кўчаси, 3-участка, 6-уйда яшовчи Нишонвалар хонадонидан бўлганимизда ҳам, қарздорлар нафақат баҳона қидиришди, балки «борадиган жой»ини айтиб дағдаға ҳам қилишди. Ваҳоланки уларнинг 45 минг сўмдан зиёд қарзлари мавжуд.

Яккасарой тумани, «Қушбеги» даҳаси, 9-уйда яшовчиларнинг эса иссиқ сув ва иссиқлик қувватидан қарзлари нима учун тўланмаётгани сабабини билиш мақсадида 28-хонадонда истиқомат қилувчи Зоя Абдуллаеванинг уйи эшигини

тўловларга етмаётганини айтди. Ахир ишлаб пул топаётган фарзандлар ҳам шу ерда яшади-ку, нима учун улар бу ҳақда қайғуришмайди. Улар уч марта судга берилган, лекин натижаси қутилганидек эмас. Хонадон эгасидан эса «Қачон уйимни сотсам, ана шунда тўлайман», деган жавобни эшитдик, қизу набаралар эса оналарининг ана шундай ноқулай ҳолатда мулзам турганини қўриб ҳам қилт этишмади.

Шу уйнинг 74-хонадон эгаси Дилбар Абкурова эса ушбу «жанжалли» уйга эндигина кўчиб келганини, биринчи навбатда тўпланиб қолган қарзи 331.886 сўмни тўлашга ҳаракат қилаётганини қайта-қайта таъкидлади. Начора унинг астойдил гапларига ишондик.

— Турмушимизда нияҳотда зарур бўлган табиий газни аҳолига етказиб беришга ходимларимиз астойдил интилишяпти, — дейди «Тошшаҳаргаз» ҳудудий газ таъминоти корхонаси «Акмал Икромов газ» филиали директори Шухрат Абдураҳмонов. — Ҳозирги кунда кузги-кишки мавсумга тайёргарлик ишлари, тежамкорлик асоси бўлган газ ҳисоблагичлар ўрнатиш ишлари жадал кетмоқда. Албатта, бу ишларнинг рисоладагидек бажарилиши етарли маблағ талаб этади. Лекин туманимиздаги 4 мингдан зиёд хонадон аҳлининг газдан 210 миллион сўм дебитор қарзлари мавжуд бўлиб, уни ундириш анча мушкул кеч-

моқда. Барча ходимларимиз бу шай жалб этилган бўлиб жорий йилнинг июнь ойида режадаги 30 миллион ўрнига 42 миллион сўм йиғилди. Лекин айрим хонадон соҳиблари нафақат газ ҳақини тўлашмайди, балки назоратчи ходимларимизни ҳақорат қилишгача боради.

Уларнинг ҳамроҳлигида Х.Болтаева 2-тор кўчаси, 9-уйнинг (қарзлари 96 минг сўм) кўнғирогини босдик. Ушбу хонадон соҳиблари (Бекмирзаевлар) бир неча бор оғзаки ва ёзма равишда оғохлантирилган экан. Афсуски обрўли жойда меҳнат қиладиган, тушунган хонадон соҳибига ушбу оғохлантиришлар писанд эмас шекилли, дарвозани очган унинг қизи худди тайёргарлик кўргандек барчага қўпол муомалада бўлди. Хонадон эгалари эса уйда йўқ экан.

Яқдил кўчасидаги 50-уйда яшовчи Мухамедовнинг ҳам 85 минг сўмдан зиёд қарзи бор. Оила бошлиғи Рихсавий ака дўконда сотувчи бўлиб ишлар экан. Улар ҳам 2 марта оғохлантириш олган. Хонадонда 4 та одам ишлаб, маош олади. Афсуски, бу уйда ҳам ёш болалардан бўлак ҳеч кимни учратмадик.

«Тошсизқуввати» ишлаб чиқариш бирлашмаси Сергели туман бўлими томонидан берилган рўйхатни кўриб эса ёқа ушлайсиз. «Сергели-4» мавзеси, 9-уй, 54, 55-хонадон соҳиб С.Тўйевнинг 500 минг сўмга яқин, «Сергели-8» мавзеси, 74-уй, 42-хонадондан Йўлдошевнинг 350 минг сўмга яқин, Шайхонтохур тумани «Гулобод» мавзеси, 8-уй, 19, 20, 21-хонадонлари эгаси К.Набиевнинг 492 минг сўм, «Бокўча» мавзеси, 27-уй, 3-хонадондан К.Заидовнинг 404 минг сўм қарзлари тўпланиб қолганини, тўлашни эса халелларига ҳам келтирмаётганини қандай изохлаш мумкин?

Бундай қарздорлар рўйхатини эса узоқ давом эттириш мумкин. Қани энди ушбу рўйхатга номи тушганлар уялишса эди, қарздорлиги бу даражага етиб қолмасди. Ахир яхши яшашни, барча қулайликлардан фойдаланишни хоҳлагандан кейин баҳонаи ваз қидириш ўрнига ҳақини ҳам тўлаш зарур-да. Келгуси сафар ҳам қарздор хонадонларга «ташриф»имиз давом этади. Рўйхатга тушиб, уялмай десангиз, қарзингизни тўлашга шошилинг.

(Ўз мухбиримиз)

ИСЛОҲОТЛАРНИНГ МУҲИМ БОСҚИЧИ

Инвестицияларнинг мамлакат иқтисодиётида тутган ўрни катта. Улар давлат бюджети таққилигини камайтиради. Инфляциянинг тушиши доирасида ишлаб чиқаришнинг суръати пасайишини тўхтатади.

Инвестиция жараёни доирасида ҳукуқий муҳитнинг ташкил этилиши ҳам иқтисодий ислохотларнинг муваффақиятли давом этишида энг муҳим вазифалардан биридир.

Хорижий инвестицияларга эга бўлган корхоналар фаолиятини рағбатлантириш мақсадида бир қатор чоратадбирлар тизимини ишлаб чиқиш ва амалга ошириш муҳим ўрин тутди. У хусусийлаштириш жараёнида, техник қайта жиҳозланиш, халқ истеъмоли молларини ишлаб чиқариш, экспортга йўналтирилган ишлаб чиқаришни рағбатлантириш борасида хорижий инвесторларнинг иштирокини рағбатлан-

тиришни ўз ичига олади.

Мамлакатда банк ва молия тизимининг ривожланиш даражаси ҳам инвестор учун жуда муҳим йўналишдир. Инвесторни муайян мамлакатга маблағни қанчалик енгил инвестиция қилиш, энг муҳими компанияси томонидан олинган фойда ва компаниянинг сармоясини қанчалик енгил олиб чиқиш кетиш масалалари ўйлантиради.

Бозор иқтисодиётига ўтиш жараёни бошидан ўтказётган барча мамлакатлар корхона ва ташкилотларнинг ташқи бозорга мустақил равишда чиқишининг меъёрий-ҳуқуқий базасини шакллантириш, янги ташкилий-ҳўжа-

лик тузилмаларининг ташкил этилишини рағбатлантириш ва халқаро меъёр ҳамда қоидаларга мос равишда хорижий инвесторлар фаолиятини ишончли қафолатлар билан таъминлаш даркордир.

Бир сўз билан айтганда, бозор иқтисодиёти муносабатларига ўтиш жараёнида бўлган ва инвестициялар киритилишидан манфаатдор мамлакатлар жаҳон инвестицион муҳитининг ривожланиш тенденцияларини диққат билан кузатиб боришлари жоиздир.

Лола ЮСУПОВА,
Тошкент Молия институти
магистранти

Ҳозирги кунда дунёнинг турли бурчакларида фавкулдада вазиятлар тез-тез содир бўлаётганлиги ҳеч кимга сир эмас. Қаердадир зилзила, сув тошқинлари-ю, турли юқумли касалликларнинг тарқалиши ва террористик ҳаракатлар юз бермоқда. Шу боис фавкулдада вазиятларнинг олдини олиш юзасидан республикада қандай ишлар олиб борилаётгани кўпчиликни қизиқтирса керак, албатта.

Шуни алоҳида таъкидлаш жоизки, Президентимизнинг 1996 йили 4 мартдаги Фармонида кўра Фавкулдада вазиятлар вазирлиги ташкил этилиб, ўз фаолиятини бошлади. Вазирлик томонидан рўй бериши мумкин бўлган фавкулдада вазиятларнинг олдини олиш ва бартараф этиш, улар келтирадиган моддий-маънавий зарар миқдорини камайтириш, фуқаро муҳофазасига раҳбарлик қилиш бўйича муайян ишлар олиб боришмоқда. Аҳолини фавкулдада вазиятлардан ҳимоя қилишнинг энг муҳим талабларидан бири — уларни муҳофазасига тайёрлаш ҳисобланади. Бу борада

МАШҒУЛОТЛАР — ЮҚОРИ САВИЯДА

Ўзбекистон Республикаси Вазирлар Маҳкамасининг 1998 йил 7 октябрдаги «Ўзбекистон Республикаси аҳолисини фавкулдада вазиятлардан муҳофазасига қилишга тайёрлаш тўғрисида»-ги қарори қабул қилинган. Маълумки, мазкур қарор мамлакатимиз аҳолиси ва ҳудудларини табиий ва техноген тусдаги фавкулдада вазиятлардан муҳофазасига қилиш тизимини янада такомиллаштириш борасидаги дастуруламал ҳисобланади.

Мазкур қарор мавсумий бўлмай, балки йиллар давомида унга ижодий, танқидий назар билан ёндашиш, унинг ҳаётийлигини таъминлаган ҳолда муштазам фаолият кўрсатадиган энг муҳим қонуний, меъёрий ҳужжатлардан бирига айлантириш лозим. Демак, мазкур қарор талаблари ижроси барча ташкилотлар ва фуқароларнинг ўта масъулияти ва жавобгарлиги билан боғлиқдир. Бу ҳақда жойларда истиқболли режалар тузилган. Ҳамма гап ана шу режаларнинг сўзсиз амалга ошиши, бажарилиши ва оғишмай ҳаётга таъбиқ қилинишидир. Шундай экан, фавкулдада вазиятлардан аҳоли ва ҳудудларни муҳофазасига қилиш бўйича Республикада яққо-яғона илмий-услубий марказ ҳисобланган бизнинг Фуқаро муҳофазаси институтимизда тарғибот, ташвиқот ишлари қандай амалга оширилимоқда? Бу борада қандай ютуқларга эришдик, яна қандай камчиликларимиз, бажарилиши зарур бўлган вазифаларимиз борлиги ҳақида қисқача сўз юритсак.

Фарида ОБИДОВА,
Фуқаро муҳофазаси
институтини катта ўқитувчиси.

да топилди. Ушбу электр ҳисоблагичлар ўз эгаларига қайтарилди. Жиноятчи эса панжара ортидан жой олди.

ЖИНОЯТЧИ КЎЛГА ОЛИНДИ

Эргаш ака тадбиркорлик билан шуғулланар эди. Қўнларнинг бирида у «мен ҳам бир одамга ўхшаб маданий хордик чиқарай», деди-да, «Чорсу» бозори ёнидаги табиат музейига йўл олди. У «Тикю» автомобиллини музей ёнида тўхтади. Энди тарадудланиб машинадан тушмоқчи бўлиб турган Эргаш ақанинг олдида нота-ниш бир киши яқинлаша бошлади ва:

— Ака, сигарет тутатиб олсам бўладими? — деди.

Эргаш ака машина ичкарасига гўгурт олиш учун бошини бурган пайт, унга қаттиқ зарб тегди. У анча вақтдан кейин ўзига келиб кўзини очиб қараганда эса автомобиль ичидаги 500 минг сўм пўл йўқ эди. Бир амаллаб ўзини тутиб олган Эргаш ака яқин орадаги ички ишлар ҳодимларига мурожаат қилди. Жиноятчи эса ўш мазлилга етмасдан кўлга олинди.

ИЧКИЛИК КЕЛТИРГАН КЎРГИЛИК

«Ҳамма ёмонликларнинг калити ичкиликдир» дейилди Ҳадисда.

Биз сизга ҳикоя қилмоқчи бўлган А.Пўлатнинг қилиши ҳам ҳудди мана шу ичкилик оқибатида юз берган. У кайфи тароқ ҳолда таниши, 18 ёшли ожиза А.Валаяга йўқ

Фуқаро муҳофазаси институтини корхона бошлиқлари, вазирлик вакиллари, ҳокимият органларининг муҳофазасидаги бўлимларини, малакаларини ошириш вазифаси билан шуғулланмоқда. Ҳозирги кунга институтда 15 мингга яқин тингловчилар тахсил олдилар. Машғулотларда кўргазмалар, техник-ўқув воситаларидан фойдаланиш, мавзуга мос видеолавҳалар кўрсатиш яхши йўлга қўйилган. Машғулотлар янги педагогик технологиялардан фойдаланиб, юқори савияда олиб боришмоқда.

Институтда Турсунбой Тўйчиев раҳбарлигида 2 та профессор, 8 та фан номзодлари, 10 дан ортиқ юқори малакали ўқитувчилар жамоаси хизмат қилмоқда. Ўқитувчиларимиз фақат машғулот ўтказиш билан чекланиб қолмасдан, муҳофазасидаги услубий кўлланмалар, кўргазмалар тўпламлари, дарсликлар, фуқаро муҳофазаси бўйича дастурлар ишлаб чиқиш бўйича изланишлар олиб бормоқдалар. Илмий-тадқиқот ишлари ҳам катта эътибор қарилмоқда. Институтда вазирлик билан ҳамкорликда, ҳозирги замон шарафига фуқаро муҳофазасининг долзарб муаммолари тўғрисида илмий-амалий конференциялар ўтказиб турилади. «Табиий ҳамада техноген фавкулдада вазиятлар хавфи туғилганда ва содир бўлганда аҳолининг ҳаракати» номли рангли кўргазмалар тўплами Г.Журавель, З.Илёсова, А.Нурхўжаевлар томонидан ишлаб чиқилди.

Ўйлаيمизки, ҳар бир фуқаро фавкулдада вазиятлар вақтида ўзини йўқотмай, қандай ҳаракат қилишини билса, атрофдагиларга ёрдам кўрсата олса, фавкулдада вазиятларнинг талафотлари кескин камаяди. Бу деган сўз, фавкулдада вазиятларда фуқаролар муҳофазаси тарғиботи, ташвиқоти мавсумий бўлмай, узлуксиз давом этиши керак!

Маълумки, ҳозирда Тошкент шаҳар ИИББ тизимидаги ислотлар муваффақиятли амалга оширилмоқда. Хусусан, жойлардаги милиция таянч пунктлари профилактика инспекторлари, маҳалла посбонларининг маҳалла фаоллари, оқсоқоллар, умуман кенг жамоатчилик билан ўзаро ҳамкорлиги янада яхши самаралар бермоқда.

Чилонзор туманидаги «Катта Думбиробод» маҳалласида жойлашган 288-милиция таянч пункти профилактика катта инспектори, милиция капитани Солиқжон Маҳаматов ва профилактика инспектори, милиция катта лейтенанти Фарҳод Умаровларнинг маҳалладаги тинчлик-осойишталикни сақлаш йўлида олиб бораётган юмушларига назар ташлаган киши юқоридаги фикрларни бежизга келтирмаганимизга гувоҳ бўлади.

Маҳаллада 9,680 нафар аҳоли истиқомат қилади, — дейди биз билан суҳбатда Солиқжон Маҳаматов. — Шулардан 3,112 нафари вояга етмаган ёшлардир. Жамоат тартибини сақлаш ва аҳоли хавфсизлигини таъминлаш йўлида имкон борича улар билан иш олиб боришга ҳаракат қиламиз. Содир этилиши мумкин бўлган жиноятларнинг олдини олиш, вояга етмаганлар билан алоҳида

суҳбат, учрашувлар ўтказиш, нотиқ, ичкиликка руҳи қўйган оилалар, Юртбошимизнинг бағрикенглиги билан эълон қилган умумий авфий туфайли озодликка чиққан шахслар билан иш олиб бориш каби вазифаларни сидқидилдан бажаришга ҳаракат қиламиз. Бизга бу борада маҳалла оқсоқоли Маҳаматов, посбонлар сардори Азим Султонов ва 22 та кўчанинг ҳар бирига бириктирилган кўча бошиқлари яқиндан ёрдам бериб келмоқдалар.

— Ишимиз билан яқиндан танишмоқчи бўлсангиз бир ҳафта биз билан бирга ишлашнингизга тўғри келади, — дейди суҳбатимизни кузатиб турган Фарҳоджон Умаров. — Шундагина сиз профилактика инспекторларининг. Маҳалладаги тинчликни сақлаш йўлида олиб бораётган ишларидан қисман бўлса-да воқеа бўласиз. —

Биз билан суҳбатда Солиқжон Маҳаматов, посбонлар сардори Азим Султонов ва 22 та кўчанинг ҳар бирига бириктирилган кўча бошиқлари яқиндан ёрдам бериб келмоқдалар.

келган вақтда бало-қазодек ёпирилаётган терроризм балосининг аянчли тажовузларидан огоҳ

ишлашга катта эътибор қаратганмиз. Мана ҳозир ёзги таътил вақти. Ёзда ёшларнинг мазмунли дам

оқимларга, гиёвандлик кўчаларига адашиб кириб қолмасинлар. Куйиб-ёниб сўз бошлаган бу

йигитнинг бири-бирини тўлдирётган фикрларини эшитиб, ўз касбининг фидойиси эканлигига шубҳа қилмадик. Бизнинг бу фикримизга жилмайганча жавоб берган Фарҳоджон гапида давом этди. — Бир йил бўлди профилактика инспектори бўлиб ишлаганимга. 2003 йилда Республика Ички ишлар вазирлиги академиясининг магистратурасини тамомлаб келганман. Тўғриси, аввалига ҳудди жуда олдидикдан иш бошлаганга ўхшаган эдим. Бугун адашганимни айта оламан. Бир йил мобайнида касбининг сир-асорини, ўзим билмаган қирраларини ўргандим. Одамларнинг бошига қулфат тушганда ёрдам қилсанг, қийналган ёки барбод бўлиш олдида турган оилаларнинг қайта тикланишига

хисса қўсанг, касбиндан рози бўлиб кетасан. Келгусида ҳам режалар кўп. Худудимиздаги 444, 439-боғчалар, 131-мактаб, 14-касб-хунар коллежи, 4-сколиоз

хасталигига чалинган ногирон болалар интернатлари билан яқин ҳамкорликни йўлга қўйиб, ўсмир-ёшлар билан янада кўпроқ иш олиб бормоқчимиз. Маҳалламизда жиноятчиликнинг камайишига, ёнқи бутунлай содир этилмаслигига эришмоқчимиз. Дарвоқе, маҳаллада паспорт тизими йўлга қўйилган — кимлар келаяти, кимлар кетаяпти булар ҳам бизнинг назаримизда.

Биз осойишталик посбонлари билан хайрлашар эканмиз, Фарҳоджонга эзгу тилак билдирганимиз келди: «Генераллики ҳавас қилмаган аскар, аскар эмас» деган нақл бор, эришмоқчи бўлаётган барча ниётларингизга албатта етасиз. Бу йўлда ҳозирги шижоат, ақл-заковатингиз сизга ҳамроҳ бўлса бас. Интилишдан, изланишдан асло чарчаманг.

Шоира МУҲАМЕДОВА, СУРАТДА: 288-милиция таянч пункти профилактика инспектори, милиция капитани Солиқжон Маҳаматов (ўртада) Чилонзор тумани ички ишлар бошқармаси санитария ва озодаликни назорат қилиш алоҳида милиция отряди бошлиғи, милиция капитани Абдуназар Шералиев (чапда) «Катта Думбиробод» маҳалласи посбонлари билан келгуси режалар ҳақида суҳбатлашмоқда.

Ҳақимжон Солиқов олган сурат.

Инсон ва қонун

Хуқуқ

Мустақиллик йилларида кишиларимизнинг ижтимоий-сиёсий онги ўсди, маънавий дунёқараш кенгайди. Турли соҳалардаги каби хуқуқ-тартибот идоралари фаолиятида ҳам ибобий ўзгаришлар юз бериб, ислохотлар ўз самарасини бермоқда. Аниқроғи, халқ бугун қонунлар кучига ишонади. Ана шу қонунларга таяниб, ўз тақдирини, миллат келажагини белгилайди.

ҚОНУНЛАРИМИЗГА СУЯНИШИМИЗ КЕРАК

«Суд ҳужжатлари ва бошқа идоралар ҳужжатларини ижро этиш тўғрисида»-ги қонуннинг қабул қилиниб, амалга қиртилиши ҳам нур устига нур бўлди. Ушбу қонунга мурофи, барча судларда суд ижрочилиги лавозимлари қисқартирилди. Суд қарорларини мажбурий ижро этиш ваколати эса Адлия вазирлиги қосида ташкил этилган Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти зиммасига оқилланди. Қонунга кўра ҳар бир ижрочини ўз фаолияти давомида шахсларнинг ҳуқуқий манфаатларини қамситилишига асло йўл қўймаслиги, ўзи ҳам ижро ҳаракатларини амалга оширишда фаол бўлимоғи керак. Ижро ҳужжатлари пухта бажарилсагина, ижрочининг ўз вазифасига масъулият билан ёндашганлиги аён бўлади.

Шайхонтоҳур туман судида бир кунда юзлаб суд ҳужжатлари тегишли жойларга юборилди. Бундан ташқари даъвогарларнинг аризаси устида пухта ишлаш, ижро ҳаракатларининг ўз вақтида тўлиқ ва тўғри ижро этилишини таъминлаш ҳамда бу ишда иштирок этаётган шахсларга қонунларимизнинг мазмун-моҳиятини чуқурроқ тушуниришга эришялми.

Агар ҳар бир киши қонунларни яхши билса, муаммоларини осонгина ҳал эта олади.

Чунки барча қонунларимиз мазмунан инсоннинг моддий фаровонлигини таъминлаш, манфаатларини ҳимоя қилиш ва турмуш тарзини яхшилашга қаратилган. Бундан ўн йил муқаддам қабул қилинган Асосий Қонунимизда шахсининг эркинликлари ва ҳуқуқий манфаатларини ҳимоя қилишга оид моддалар етакчи ўринда турди. Бу моддаларнинг ҳар бири асосида алоҳида-алоҳида қарорлар чиқарилган, қонунлар қабул қилинган. Ҳуқуқий-демократик давлат барпо этиш йўлидан бораётган бир пайтда биз ана шу қарор ва қонунлар моҳияти билан таниш бўлишимиз зарур. Қонунларни яхши билмасак, чинакам демократияга эриша олмаимиз.

Айни пайтда суд ижрочилар зиммасида улкан вазифалар турибди. Касбий маҳорати мизини ошириш баробарида бизга мурожаат этаётган ҳар бир шахс билан самимий муносабатда бўлишимиз, уларнинг ҳуқуқ ва мажбуриятларини тўла-тўқис аниқлаб етиштиришга астойдил қўмақлашмоғимиз лозим. Демак, биз ишимизга фақат расман эмас, балки инсонийлик жиҳатидан ҳам ёндашшимиз зарур бўлади.

Д.ЮСУПОВ,
Шайхонтоҳур туман
Суд ижрочилари бўлиминининг катта суд ижрочиси.

Ҳуқуқ

ЁШЛАР ТЕРРОРИЗМГА ҚАРШИ

Ёшлар мисоли бир навиқол. Уларни қайси томонга эгсанг ўша томонга қараб ўсади. Шунинг учун ҳар бир жамият ёшларни ёвуз қўлар тажовуздан ҳимоя қилади. «Ҳар қандай тажовуз ва террорчилик ҳуруқларининг олдини олиш уларнинг мафкуравий заманини йўқотиш ва аввало ёшларимизнинг қалби ва онги, соғлом тафаккури учун курашни тақозо этмоқда», — дея таъкидлагандилар.

«Юртбошимиз иккинчи чакриқ Олий Мажлисининг ўн тўртинчи сессиясида Мирзо Улўғбек туманидаги «Мустақиллик» маҳалласи фаоллари ҳамда меҳнат фахрийлари иштирокисда Тошкент технология коллежиде шахар оқсоқоллар кенгаши ва «Маҳалла» жамғармаси ҳамда жамғарма қосидаги «Қалб эътиқоди» давраси ҳамкорлигидаги ўтказилган «Ёшлар - терроризмга қарши» деб номланган тадбир ҳам иккинчи чакриқ Олий Мажлисининг ўн тўртинчи сессияси материалларини ўрганишга бағишлаб ташкил этилди.

— Биз ёшларимизнинг алданиб қолишларига йўл қўймаслигимиз лозим, — деди жумладан тадбирда сўз олган «Қалб эътиқоди» давраси раиси, тарих фанлари номзооди Муборак Юнусхўжаева. — Ҳар бир миллатнинг келажаги ёшлар қўлида. Улар қанчалек сергак, дунёқараш кенг, тафаккури ўткир бўлса, бу давлатнинг пойдевори мустаҳкамдир. Шунинг учун ҳам ёшларимиз онгининг захарларини қолишининг олдини олиб мана шундай тадбирлар орқали уларга давлатимизнинг тинчликпарварлик сибастини тўғри тушуниришимиз керак.

Тадбир сўнгиде талабалар ўзларининг терроризмга қарши эканликларини турли ичкишлари билан намойиш этдилар. (Ўз муҳбиримиз)

БОЖХОНА ХАБАРЛАРИ

«Тошкент-АЭРО» ихтисослаштирилган божхона комплекси ходимлари валюта бойликларимизнинг мамлакатимиз ҳудудидан ташқарига ноқонуний равишда олиб чиқиб кетилишига чек қўймоқда.

Вазирлар Маҳкамасининг 2004 йил 25 февралдаги «Ўзбекистон Республикасининг нақд миллий валютасини олиб киришни ва олиб чиқишни тартибга солиш чора-тадбирлари тўғрисида»-ги қарориде жисмоний шахслар — резидент ва нрезидентлар томонидан миллий валютамиз — сўмни ташқарига олиб чиқишга Ўзбекистон Республикасида белгиланган энг кам ойлик иш ҳақи миқдорининг 50 бараваридан ошмайдиган суммада рухсат берилган. Хорижий валюталарни мамлакатимизга олиб кириш чекланмаган миқдорда белгиланган.

Ушбу қатор талабларнинг бузилишига қарши олиб борилган тадбирлар натижасида маълум бўлдики, «Тошкент-Хабаровск» йўналиши бўйича учиб кетаётган Тамира Дмитриева божхона ходимларининг оғзаки сўровлариде ёнида ҳеч қандай қонунчиий ашё йўқлигини айтган эди. Бироқ, унинг ўзини тутишидан қаноат ҳосил қилмаган божхона ходимлари божхона кўригидан ўтказганда, божхоначиларнинг эътиборини тортмаслик учун қўлига плашини кўтариб олган бу аёлнинг найранглари панд берди. У плашининг ички иссиқлик тағлиги 5000 АҚШ долларини тикиб, яширин равишда олиб ўтмоқчи бўлганлиги фош этилди.

Айрим кишиларнинг билиб-билмай Республикамиздан ташқарига чиқишда ёнидаги валюталар миқдорини божхона баённомасида кўрсатмасдан яширин ра-

вишда олиб чиқишга уриниши ҳоллари ҳамон учрамоқда. Бундай ҳолатлар кўпроқ Тошкент аэропорти божхоначилари томонидан аниқланмоқда. Божхона ходимлари ҳар бир йўловчига учиб кетишидан олдин божхона қонун-қондалари ҳақида тушуничалар беришга қарамай, айрим шахслар ўзларига тегишли хулоса чиқариб олишмаяпти.

Божхона қонун-қондасининг бузилиш ҳолати яна «Тошкент-Москва» йўналиши бўйича учиб кетишга шайланган йўловчилардан бирида юз берди. Олеся Шаминава ҳам божхона қондаларига амал қилмаган ҳолда, ёнидаги 1600 АҚШ долларини яширин равишда олиб ўтишга уринган экан. У ушбу валютани божхона баённомасида кўрсатмасдан қўл суммасининг ички қисмларига яшириб олиб ўтмоқчи эканлиги аниқланди.

Афсуски, бундай ҳолатлар божхона масканларида кўп бор такрорланмоқда. Шунга ўхшаш божхона қонун-қондаларининг бузилишининг олдини олиш учун тушунтириш ишлари олиб борилишига қарамайдан, айрим йўловчилар ҳамон қингир йўлларни танабб молмултига қўлиб қолмоқда. Қингир ишнинг қийми қирқ йилдан кейин ҳам барибир ошқор бўлишини унутмаган, қонунларимизга риоя қилган ҳолда иш тутмоқда нима етсин.

Нурбек МУСТАФОВ

Саводхонлик

ВОРИСЛИК ҲУҚУҚИ

Бозор иктисодиётига асосланган жамиятда мулк ва унга нисбатан бўлган ҳуқуқлар доимо ҳимояланиб, мулкдорлар манфаатлари қўриланиб келинган.

Шахс ворис бўлиб унга маълум бир турдаги мерос қолгандагина эътироф этилиши мумкин.

Мерос деганда, вафот этган шахсининг бошқа шахсларга ўтиши ёки ўтказилиши мумкин бўлган, ҳуқуқ ва мажбуриятлари йингидини тушунилади.

Ворислик деганда мулкый ҳуқуқ ва мажбуриятларнинг, айрим ҳолларда номулкый ҳуқуқ ва мажбуриятларнинг ҳам вафот этган шахсдан қонунда ёки васыятномада кўрсатилган шахсларга белгиланган шарт ва тартибда ўтиши тушунилади.

Ворислики келиб чиқиш асосига кўра биз икки турга бўлишимиз мумкин. 1.Васыят бўйича. 2. Қонун бўйича.

Мерос фуқаронинг ўлими ёки унинг суд томонидан ўлган деб эълон қилингани оқибатида очилади.

Мерос очилган пайтларда ҳаёт бўлган фуқаролар, шунингдек, мерос қолдирувчининг ҳаётлик пайтида ҳомила ҳолида бўлган ва мерос очилгандан қойин тирик тутилган болалари васыят ва қонун бўйича меросхўр бўлишлари мумкин. Мерос кўп ҳолларда васыят бўйича низолар кел-

либ чиқиб, агар қонун бўйича меросхўрларда васыятноманинг ҳақиқийлигига шубҳа туғилса, улар судга даъво аризаси билан мурожаат қилишга ҳақлидир. Мерос қолдирувчининг ёки меросхўр бўлиши мумкин бўлган шахслардан бирорасини қасддан ўлдирган ёки уларнинг ҳаётига суиқасд қилган шахслар васыят бўйича ҳам, қонун бўйича ҳам мерос олиш ҳуқуқидан маҳрум қилинади. Улар нолийқ меросхўрлар деб топиладилар.

Васыятнома васыят қилувчи томонидан кимга берилса, шу шахс томонидан ижро этилиши таъминланиши керак.

Васыят бўйича маълум бир ҳуқуқ берилиши билан биргаликда, мажбурият ҳам васыят қилиб қолдирилиши мумкин. Васыят бўйича меросни олган шахс васыят бўйича мажбуриятни бажаришга мажбур. У фақат қабул қилиб олган васыят бўйича мулк юзасидан жавобгар бўлиши қонунчиликда белгилан қўйилган.

Жасурбек САИДОВ,
Тошкент Давлат юридик
институтини талабаси.

Шарқ дурдоналари

03-03 ўрганиб
донор бўлиш...

● Аёлсиз ҳаёт тонги ва оқшоми файзсиз, кундузи эса — ғамгин.

● Севги — ажиб бир гул, аммо тубсиз жар ёқасида ўсган бу гулга яқин бормок ва ўзмок учун жасорат керак.

● Севги ўзида инсоннинг ҳамма эзгу фазилатларини муҳассамлантиради.

● Аёл — буюк сўз, унда қизлик мусаффолиги, дўстга хос фидойилик, она жасорати таркиб топган.

● Севги худди чақмоқ каби қудратли, аммо момақалдиросиз чақнамайди. Унинг энг кучли зарбалари ҳам ёқимлидир.

● Донулар айтади: севгининг худди инсон ҳаётига ўхшаган ўз тараққийёт қонуни, ўз мавсумлари бор. Уни гуллаб яшнаган баҳори, ёндиргудек ёзи, охирикитаб кузи ҳам келадики, у баъзилар учун иссиқ, чароган ва сархосил бўлса, айримлар учун совуқ, чирик ва мевасиз келади.

● Хар бир севги ўзича чин ва гўзалдир. У бошда эмас, юракда бўлмоғи керак.

● Муҳаббат бамисли олов, қаловисиз қолдимиз ўчади.

Байт:
Хаяжон тўлкини,
хасрат, табассум,
Ширин ҳаёллару, жон
олар масъум.
Нозик ибодару
сенгадир исён —
Муҳаббат соҳиби
бахтиёр инсон.

● Рашк ошиқ учун азоб-укубат, машуқа учун ранж-изтироб манбаидир.

● Дунёда инсон юрагини жирканч манзаралар билан тўлдириш рашк каби ҳўрловчи қулфат бўлмаса керак.

● Рашкнинг муҳаббати кўпроқ нафратга ўхшаб кетади.

● Аёл муҳаббатидан жудо бўлган одам бу севгини сақлаб қолмагани учун фақат ўзини айблагли мумкин.

● Рашк шухалари куткуси билан мутлақо ғуноҳсиз одамни ҳам ҳақоратлаб қўйиши мумкин.

● Шундай олижаноб муҳаббатлар борки, улар рашкка мутлақо ўрин қолдирмайди.

● Донулар айтди: оқила рафиқа! Агар сен эринг ёнингда бўлишини истасанг, шунинг пайига тушгинки токи у ҳеч ерда сенинг ҳузуридаги каби роҳат-фароғат ва мулоимликка дуч келмасин.

● Чинакамга севган одам рашк қилмайди. Муҳаббатнинг асл моҳияти — ишонч. Бордию муҳаббатдан шу ишончнинг тортиб олинган, унда сиз унинг ўз кучига бўлган ишончи, давомийлиги, жамики нурафшон томонлари — бинобарин, барча улугворлигини тортиб олган бўласиз.

Байт:
Кўча севгиси уйни
барбод этар,
Уйингни хотин меҳри
обод этар.

● Дунёда ҳалол одамдан буюроқ зот йўқ.

● Ҳалоллик ҳар қандай мартабани беэади.

● Виждонли одамлар учун ҳалоллик саводли одамлар учун илм қанчалик зарур бўлганидан ҳам кўра қимматлироқдир.

● Ҳалол яшаганингни билиб турсанг, ҳаёт нашьали ва осон туюлади.

Ўзбекистон ва жаҳон

ЎЗБЕКИСТОН КОМПАНИЯЛАРИНИНГ
ХАЛҚАРО ЭЪТИРОФИ

«ЎЗДЭУавто» заводи, «Ўзташқиниёфтгаз» ҳиссасдорлик компанияси, Қишлоқ хўжалиги вазирлигига қарашли «Деҳқонсавдо» ташқи савдо бирлашмаси «Нуротамармар» ва «Тўхтаниёзота» хусусий корхоналари Business Initiative Directiys халқаро компаниясининг платина ва олтин сифат белгилари билан тақдирланди.

Нью-Йоркдаги ҳашаматли «Мариот Марказ» меҳмонхонасида бўлиб ўтган «Сифат халқаро конвенцияси, Нью-Йорк-2004» анжуманида Business Initiative Directiys халқаро компанияси президенти Хосе Прието дунёнинг олтинидан зиёд мамлакатдан таширф буюрган турли компания ва фирма вакиллари, хусусан Ўзбекистонлик ишбилармонларга сифат белгиси бўйича совринларни тантанали равишда топширди.

«Тўхтаниёзота» ва «Нуротамармар» хусусий корхоналари платина нишонини, «ЎЗДЭУавто» заводи, «Ўзташқиниёфтгаз» ҳиссасдорлик компанияси ва «Деҳқонсавдо» ташқи савдо бирлашмаси эса олтин нишон билан тақдир-

ланди. Мазкур компания ва корхоналарни тақдирлашда уларнинг яратувчилик салоҳияти, маҳсулот сифати, мижозларга хизмат кўрсатиш даражаси, ишлаб чиқариш жараёнининг атроф-муҳитга таъсир даражаси каби қатор омиллар эътиборга олинганини таъкидлаш жоиз.

Ўзбекистон маҳсулотларининг халқаро миқёсда эътироф этилаётгани ҳар томонлама эътиборга молик. Бундай анжуманлар Ўзбекистон ишбилармонлари билан хорижий ҳамкорлар ўртасида тўғридан-тўғри алоқалар қўламини кенгайтириш, мамлакатимиз маҳсулотларининг дунё бозорига кириб бориши жараёнини янада жаддаллаштириш учун муҳимдир.

Таъкидлаш керакки, бош офиси Испания пойтахти Мадридда жойлашган Business Initiative Directiys халқаро компанияси 1970 йилдан буюн дунёнинг турли мамлакатларида муваффақиятли фаолият кўрсатаётган ва ўз маҳсулотлари билан халқаро стандартларга жавоб бераётган компания ва фирмаларни халқаро сифат белгиси соҳиринлари билан тақдирлаб келади. Танлов қондасига кўра, совринлар қуйидаги поғонада белгиланади: олмос нишон, платина нишон ва олтин нишон. Тақдирдан қўзланган асосий мақсад муваффақиятли компанияларни халқаро миқёсда тарғиб этиш ва улар фаолиятини рағбатлантиришидир.

СЕВАРАНИНГ МУВАФФАҚИЯТИ

Голландиянинг Тилбург шаҳрида «Мондиаль» халқаро мусиқа фестивали бўлиб ўтди. 17-мартда ўтказилаётган мазкур анжуман Европа халқаро мусиқа календариде алоҳида ўрин эгаллайди ва унга халқ мусиқасини ижро этувчи таниқли хорижий санъаткорлар таклиф этилади.

Бу йилги фестивалда биринчи марта ўзбек хонандаси Севара Назархон иштирок этди. «Мондиаль» фестивали ташкилотчиси Эввин Скелленкенсинг эътироф этишича, С.Назархоннинг Тилбургга таклиф этилиши тасодифий ҳол эмас. Фестиваль раҳбарияти Севаранинг сўнгги йиллардаги хорижий гастроллари ва концерт дастурларини диққат билан кузатиб борган. Ўзбекистонлик кўшиқчининг жорий йилнинг бо-

шида Британиянинг Би-би-си корпорацияси таъсис этган «AWARD 2003» совринига сазовор бўлгани фестивал ташкилотчилари эътиборидан четда қолмади.

Айтиш жоизки, дунёнинг турли мамлакатларидан таширф буюрган ўттиздан зиёд хонанда ва созанда орасида Назархон алоҳида ажралиб турди. Ўзбек кўшиқчиси нафақат МДХ мамлакатлари, балки бутун Осиё китъасининг

ягона вакили сифатида ўз санъатини намойиш этди.

Ҳеч муболағасиз айтиш мумкинки, Севаранинг бир соатдан ортиқ давом этган концерт дастури кўпсонли голландиялик мусиқа ихлосмандларининг юксак олқишига сазовор бўлди. Ўзбек хонандаси кўшиқларидан олган таасиротлари билан ўртоқлашар экан, фестиваль директори Ян Дриссин шахсан ўзи ва кўпсонли шинавандаларни Севаранинг дилрабо овози, унинг ноёб истеъдоди ва ижрочилик маҳорати хайратга солганини эътироф этди. Унинг сўзларига қараганда, Назархон «Мондиаль» фестивалининг энг ёрқин ва истиқболли иштирокчиларидан бири сифатида баҳоланди.

ЎЗБЕК ТРАКТОРЛАРИ
УКРАИНА ДАЛАЛАРИДА

Киев вилоятининг Бородеянка шаҳарчасида жойлашган «Борэкс» акционерлик жамиятида Украина ва Ўзбекистоннинг икки йирик машинасозлик корхоналари ҳамкорлигини кенгайтириш йўлида навбатдаги қадам қўйилди. Бу ерда Тошкент трактор заводидан келтирилган бутловчи қисмлар асосида дастлабки тўртта трактор йиғилди.

Биринчи «қалдирғоч»лар Украина Бозорида дарҳол ўз эгаларини топи, дейди «Борэкс» концерни президенти В.Пилипенко. - Июнь ойининг охиригача заводда 11 та ана шундай техника воситаси йиғилди - уларнинг ҳаммасига ҳозирнинг ўзидаёқ харидор тайёр. - Бу эса янги техникага бўлган катта талабдан далолат беради.

«Борэкс» раҳбарияти бир ойда йиғиладиган тракторлар кўрсаткичини элликтагача етказиш ниятида. Бородеянкадан келтириладиган бутловчи қисмлар асосида Тошкентда гилдиракли экскаваторлар йиғишни йўлга қўйиш ҳамкорлигининг навбатдаги босқичини бошлаб беради. Экспертлар ушбу машиналарга Марказий Осиё мамлакатлари ва Афғонистонда талаб катта бўлишини башорат қилишмоқда.

Тадбирлар

БИЗ ГИЁВАНДЛИККА ҚАРШИМИЗ

Афсуски, кейинги пайтда ёшлар орасида кўпайиб бораётган гиёвандлик ҳар бир жамият тараққиёти учун сезиларли даражада салбий оқибатларини кўрсатиши сир эмас. Шу боисдан ҳам гиёвандликка қарши кураш ҳозирги кунда энг долзарб масалалардан бирига айланган.

Бу борадаги муаммоларнинг ечимини топиш ва умидини йўқотган ёшларга ёрдам беришдек катта масъулиятни бўйнига олган Япониянинг «JICA» компанияси ушбу йўналишда 2004 йилдан бошлаб иш бошлади. Ўтган вақт ичида Тошкент шаҳрида 10 та ишонч пунктлари очилиб, улар компьютер, хавфсизлики бартараф этувчи турли ан-

жомлар билан жихозланган. Бу ердаги мутахассислар томонидан мунтазам равишда хавфли гуруҳ вакиллари иштирокида «Зарарларни қамайтириш», «Гиёвандликнинг олдини олиш» мавзусида семинар-тренинглари ўтказилмоқда. Бугунги кунда «JICA» бу борада «Қамолот» ЕИХ, Тошкент шаҳар наркологи диспансери, «Маҳалла» жамғармаси ва Тош-

кентдаги Халқаро «CDC» ва «PSI» ташкилотлар ваколатхоналари билан ҳамкорликда иш олиб бормоқда.

Қуни кеча Халқаро гиёвандлик қунига бағишлаб «Бунёдкор» ёшлар телеклубида «Қамолот» ЕИХ Тошкент шаҳар бўлими ва «JICA» компанияси ҳамкорлигида «Биз гиёвандликка қаршимиз» шiori остида расмлар кўргазма-

«БАҒРИКЕНГЛИК»
ФЕСТИВАЛИ

Германиянинг Потсдам шаҳрида Берлинда рўйхатдан ўтган ўттиздан ортиқ дипломатик ваколатхоналари ва турли нодавлат ташкилотлар томонидан ташкил этилган «Бағрикенглик» халқаро фестивали бўлиб ўтди.

Ўн йилдирки, ушбу фестивал ҳар йили Германиянинг турли жойларида ўтказилади. Унда иштирок этувчи мамлакатларнинг ўзига хос маданияти, урф-одати, анъаналари ва тарихи немис жамоатчилиги диққатини ўзига жалб этиб келмоқда.

Ўзбекистон ҳам ушбу фестивалда бир неча бор иштирок этган. Фестивалга келувчилар ўзбек павильонида намойиш этилган халқ амалий санъати асарлари, миниатюра ва зардузлик санъати усталари яратган ижод намуналари ҳамда республикамизнинг сайёҳлик марказлари ва спортни ривожлантириш имкониятлари ҳақида ахборот берувчи кўргазма билан яқиндан танишишди.

Ўзбек санъат усталари иштирокидаги миллий кўшиқ ва рақслар потсдамликларда жонли қизиқиш уйғотди.

Ўзбекистоннинг Берлиндаги элчихонасида ўзбек халқи тарихи ва маданияти, мамлакатнинг бугунги ҳаёти билан танишиш истигади бўлганлар учун навбатдаги очик эшиклар қуни ўтказилди.

ЭЛЧИХОНАДА
ОЧИҚ ЭШИКЛАР ҚУНИ

Элчихонамиз бошқа давлатларнинг дипломатик ваколатхоналари билан биргаликда «Очиқ эшиклар қуни» IV фестивалида ҳам иштирок этди. Фестиваль қуни ҳар бир германиялик хоҳлаган элчихонага кириши, дипломатлар билан суҳбат қилиши, бинонинг ички кўриниши, мамлакат ҳақидаги ахборотлар ва китоблар билан танишиши мумкин.

Мамлакатимиз элчихонасида ҳозир бўлган меҳмонлар эътиборига «Ўзбекистон мустақиллиги йилларида» мавзусида фотокўргазма, халқ амалий санъати усталари, кулолчилик, ёғоч ўймакорлиги ҳақида ҳикоя қилувчи ҳўжжатли фильм ҳамда таниқли халқ кўшиқчиси Ҳасан Ражабий ва «Ражаби» гуруҳининг концерт дастури ҳавола этилди.

Сўнгра ўзбек хонандалари Берлин марказида йиғилган кўп сонли муҳлис-лар саҳасига қиёқча таклиф қилинди.

Мен мамлакатингизнинг бир бўла-ги, Ўзбекистон элчихонасининг муҳташам биносида бўлганимдан жуда хурсандман, - дейди «Чилтон» немис фольклор гуруҳининг раҳбари Утта Шиллинг. - Ўтган йили гуруҳимиз Самарқандда ўтказилган «Шарқ тарона-лари» халқаро мусиқа фестивалида иштирок этди. Шу боис, биз ўзбек халқининг юксак маданияти билан яқиндан танишиш имкониятига эга бўлдик. Умид қиламанки, ҳамкорлигимиз давом этади ва дўстлигимиз юксалаверади.

«Жаҳон» ахборот агентлиги материаллари асосида тайёрланди.

си бўлиб ўтди. Кўргазмада ёшларнинг ижод маҳсулотида гиёвандликнинг салбий оқибатлари яққол тасвирланган. Энг фаол иштирокчиларга ташкилотчилар томонидан совғалар топширилди. Тадбир сўнггида мавзуга оид Самарқанд ёшлари томонидан тайёрланган махсус спектакль намойиш этилди.

Албатта, бундай тадбирлардан асосий мақсад ёшларни ёмон иллатлардан асраб-авайлашдир. Бежизга «Келажаги соғлом юрт қудратли бўлур» деб айтилган. Гарчанд келажақ авлод соғлом тарзда турмуш кечирар экан, шу-бҳасиз юртимиз тинч, фаровон, келажаги буюк бўлади.

Ёкутхон
СУЛАЙМОНОВА

Биласизми?

КОКОС
ЁНФОҒИ

Ушбу неъмат Хиндистон ва Ҳинди-Хитой мамлакатларидаги кўпчилик халқларга яхши таниш. Олимларнинг текширишларига қараганда, кокос ёнфоғи 8 минг йилдан буюн инсон ҳаёти учун асосий неъмат ҳисобланади. Ҳиндистондаги қадимий ёдгорликлардан бирида: кокос дарахти инсоннинг ҳаёти учун энг зарурий неъматдир. У бизга овқат, сут, ёғ беради ва бошпана бўлади», деган ёзув бор.

Дарҳақиқат, кокос дарахтининг танаси энг яхши қуриш материалларидан биридир. Унинг ёғочидан мебель ясайдилар, барглариининг эни бир метр, узунлиги 5 метр ва лангарчиликда чиримайдиган бўлганидан худди шифер сингари уй ва чайлаларнинг томига ёпадилар. Кокос ёнфоғида сутсимон модда бўлади, бу чанқовбосди лаззатли ва тўйимлидир. Ёнғокдан ёғ ҳам олинади. Катталиги қовундек келадиған ёнғокнинг пўчоғи идиш вазифасини ҳам ўтайди. Пўчоғи билан мағзи оралиғида тивитлари бўлиб, ундан арқон, чилвир, каноп, эшиб намат тўқийдилар. Меваси гўрालигидан бошлаб истеъмол этилади, гули ҳам ноёб овқат, бандидан оқадиган шираси эса ҳолва тайёрлаш учун ишлатилади. Баргидан идиш-лаганча сифатида ҳам фойдаланилади ва яна турли масалликларни ўраб дўлма таомлари тайёрлашда жуда кўл келади.

Тошкент шаҳар, Яккасарой туманидаги 135- мактаб томонидан 2003 йили Мушеян Мария Владимировна номига берилган O' R - B № 0118567 рақамли шаҳодатнома йўқолганлиги сабабли

БЕКОР ҚИЛИНАДИ.

Спорт

Хабар берганимиздек, Жанубий Кореяда бокс бўйича ёшлар ўртасида жаҳон чемпионати баҳслари бўлиб ўтди. Дунёнинг қиркдан ортиқ давлатидан спортчилар иштирок этган мазкур мусобақада юртимиз боксчилари ҳам муваффақиятли қатнашдилар.

ЎЗБЕК БОКС
МАКТАБИНИНГ ДОВРУҒИ

Ўзбекистон терма жамоаси умумжамоа ҳисобида иккита олтин, иккита кумуш ва битта бронза медалига сазовор бўлди. Кувонарлиси



шундаки, чемпионатда катнашган ўн боксчимизнинг беш нафари ярим финалда йўлланмани кўлга киритган эди. Хал қилувчи баҳсларда Илҳом Раҳимов (51 килограмм), Зокир Ортиқов (60 килограмм), Элшод Расулов (96 килограмм) ҳамда Азиз-

бек Раҳмонов (91 килограмм)лар маҳорат кўрсатиб, ўзбек бокс мактаби довуруғини яна дунёга ёйдилар.

Пойтахтимиз аэропортида ёруғ юз билан юртимизга кириб келган боксчилар ва уларни кутиб олишга ошиқётган яқинлари билан суҳбатда бўлдик.

— Ўғлимнинг рингдаги жангини афсуски кўролмадим, бироқ телефон қилиб бу хушхабарни етказганидан буюн халигача ўзимга келолганим йўқ, чунки ўғлим айна

дамларда дунёдаги барча одамлар кўз ўнгига қолиблик шохсупасига кўтарилди, — дейди кўзларида ёш билан Илҳом Раҳимовнинг онаси Хидоят Раҳимова.

— Авваламбор олтин медални кўлга киритишда мураббийларим Мансур ака

Маҳмудов, Хабибулла ака Сулаймонов ҳамда Собир ака Шомасхусовларнинг хизматлари катта, — деди Илҳом Раҳимов. — Бу чемпионат ёшлар ўртасида ўтказилганлиги сабабли анча мураккаб бўлиб, биринчи рақибим АҚШдан, сўнг Россия, Жанубий Корея, ярим финалда қозогистонлик спортчи билан беллашдим. Сўнгги рақибим эса мексикалик эди. Улар орасида Россия боксчиси менга энг кучли рақиб бўлди, десам адашмайман. Келажакда ҳам мана шундай жаҳон чемпионатларида катнашиб, олимпия ўйинларида қолибликни кўлга киритишни хоҳлайман.

— Мусобақага тайёргарликлар пойтахтимизда ўтказилди. Жанубий Кореядаги бу сафарги чемпионатда ўзбекистонликларнинг кўли анча баланд келди. Финалдаги рақибим кубалик бўлиб, жуда кучли боксчи



экан. Худога шукр, олтин медални кўлга киритдим. Устозим Олим ака Муҳамедов билан биргаликда машғулотларни жуда яхши олиб борган эдик, — дейди Аббос Отаев. — Афсуски, англиялик, корейлик рақибларимни рингда ютиб, америкалик рақибимга ютқизиб қўйдим.

— Чемпионатда катнашган барча ёш спортчиларимиз, — дейди мураббий Мансур Маҳмудов, — республика Олимпия заҳиралари коллежи талабаларидир.

Шахло ҲОШИМОВА, СУРАТЛАРДА: ёш, иқтидорли боксчиларимизни ҳамшаҳарларимиз мана шундай кутиб олишди.

Абдувоси Хайдаров олган суратлар.

ТИЖОРАТ ХАБАРЛАРИ ВА ЭЪЛОНЛАР

ТИЖОРАТ ХАБАРЛАРИ ВА ЭЪЛОНЛАР

ЎЗБЕКИСТОН РЕСПУБЛИКАСИ
МАДАНИЯТ ИШЛАРИ ВАЗИРЛИГИ

Тошкент давлат миллий рақс ва хореография Олий мактаби 2004-2005 ўқув йилига қуйидаги мутахассисликлар бўйича абитуриентлар қабул қилади:

- * «Хореография педагогикаси», ўқиш муддати 4 йил
- * «Хореография жамоалари раҳбари» ўқиш муддати 4 йил

Олий мактабда ўқиш ўзбек ва рус тилларида олиб борилади

Қуйидаги ҳужжатлар 20 июндан 20 июлгача қабул қилинади:

- ректор номига ариза;
- ўрта ва ўрта махсус маълумоти тўғрисидаги ҳужжатнинг асл нусхаси;
- 086-У сонли шаклдаги тиббий маълумотнома;
- фотосурат 3х4 бта;
- паспорт ҳамда ҳарбий хизматга алоқадорлиги ҳақидаги ҳужжат шахсан кўрсатилади.

КОНСУЛЬТАЦИЯЛАР

- ихтисослик бўйича 10 июлдан 20 июлгача;

- умумий фанлар бўйича 25 июлдан 30 июлгача ўтказилади; Мутахассислик фанларида ижодий имтиҳонлар 21 июлдан 25 июлгача ўтказилади.

ТЕСТ СИНОВЛАРИ

«Ўзбекистон тарихи» ва «Ўзбек тили ва адабиёти» фанларида 1 август кунини ўтказилади.

Ўқишга Давлат гранти ҳамда тўлов-шартнома асосида қабул қилинади.

Қўшимча маълумотларни қуйидаги телефонлар орқали олишингиз мумкин: 56-05-28, 56-33-27, 152-22-29 (факс)

ОЛИЙ МАКТАБ МАНЗИЛИ:

700031, Тошкент ш. Юсуф Хос Ҳожиб кўчаси, 31- уй (собиқ Педагогика кўчаси), метронинг «Космонавтлар» бекати, 11-троллейбуснинг «Хореография Олий мактаби» бекати, 7, 8, 10-трамвайларнинг «Юсуф Хос Ҳожиб» бекати (собиқ «Туркман бозори» бекати).

Қабул комиссияси



ХУРМАТЛИ ИШБИЛАРМОН ВА ТАДБИРКОР ЖАНОБЛАР !

«Тошкент шаҳар муниципал биржа маркази»

Сизларни биржа савдоларига таклиф этади.

Биржа савдоларга қуйидаги объектлар қўйилган:

- Тошкент шаҳар, М.Улуғбек тумани, Ҳ.Олимжон кўчаси, 11-уйда жойлашган майдони 1 642 кв.метр бўлган «Нур» мажмуаси. Бошланғич нархи - 750 000 000 сўм;
- Тошкент шаҳар ҳокимлиги Бинолардан фойдаланиш департаменти балансида бўлган, Тошкент шаҳри, Мирзо Улуғбек тумани, «Х.Олимжон» майдони, ғарбий томонида жойлашган «Пойтахт бизнес мажмуаси»нинг биносининг 2-қаватидаги, майдони 76 кв.метрга тенг бўлган қисми (Р-блоки). Бошланғич нархи - 27 747 600 сўм;
- Тошкент шаҳар, Чилонзор тумани, 4-мавзе, 12-уйда жойлашган, майдони 84 кв.метр бўлган бино қисми. Бошланғич нархи - 2 939 110 сўм;
- Тошкент шаҳар, Чилонзор тумани, Олмазор кўча-

- си, 6-уйда жойлашган, майдони 60,7 кв.метр бўлган бино қисми. Бошланғич нархи - 2 540 396 сўм;
- Тошкент шаҳар, Шайхонтоҳур тумани, Қирки тор кўчаси, 34-уй жойлашган, майдони 1473 кв.метр бўлган бино. Бошланғич нархи - 48 648 225 сўм;
- Тошкент шаҳар, Юнусовод туманида жойлашган «Олой» бозори асосий биноси фойсесининг майдони 16,5 кв.метрга тенг бўлган 19-қисми. Бошланғич нархи - 5 775 000 сўм;
- Тошкент шаҳар, Бектемир тумани, Худойкулова кўчасида жойлашган «440-sonli xo'jaliklararo MAXSUSLASHGAN KO'CHMA MEXANIZATSIYALASHGAN SAFI» (бино ва иншоотлари билан). Бошланғич нархи - 64190830 сўм;
- Тошкент шаҳар, Чилонзор тумани, И.Франко кўча-

- си, 38а-уй дажойлашган «O'zdavlat'ta 'limloyihaqurilish» МЧЖнинг 90 фойизлик давлат улуши. Бошланғич нархи - 1 514 250 сўм;
 - «Руслан Шамшади» хусусий корхонаси балансида бўлган қуйидаги станоклар:
 - Станок СМЖ-357. Бошланғич нархи - 1 400 221 сўм,
 - Станок токарно-револьверный 1Г 340 П. Бошланғич нархи - 5 338 396 сўм
- Шунингдек савдоларда Тошкент шаҳрининг Сергели туманида жойлашган «Автомакон» ШХЖ (авто эҳтиёт қисмлар бозори) худудидаги, майдони 18 кв.метрга тенг бўлган дўконлар сотилмоқда. Ҳар бир дўконнинг бошланғич нархи 3 000 000 сўм.

Биржа савдоларининг савдо сессиялари ҳафтанинг ҳар иш кунинида соат 11-00 дан 12-00 гача ҳамда 16-00 дан 17-00 гача «Тошкент шаҳар муниципал биржа маркази»да бўлиб ўтади.

Мурожаат учун манзил: Тошкент шаҳри, Мовароуннаҳр кўчаси, 16а-уй.

Телефон: 133-46-61, 132-25-51, факс: 133-20-74.

Сайт: www.tshmbm.uz; Эл.почта: Birja@mail.tps.uz ва info@tshmbm.uz

Спорт

ГИМНАСТИКАЧИ-
ЛАРИМИЗ
МУВАФФАҚИЯТИ

Болгариянинг Варна шаҳрида бир ҳафта давомида спорт гимнастикаси бўйича «Олтин кумлар» халқаро мусобақалари бўлиб ўтди.

Саккиз давлатнинг кучли гимнастика усталари қатнашган мусобақада ҳамюртларимиз ҳам ўз муваффақиятли иштироклари билан муҳлислар ишончини оқлашди.

Турнирда энг яхши иштирок этган бадиий гимнастикачларимиздан бири, бу Татьяна Гайфуллина бўлди. У брусда машқ қилиш баҳсида иккинчи, бревендо учинчи натижаларни кўрсатган ҳолда кўпқарашда тўртинчи ўринни эгаллади.

Анна Нинкова эркин машқларда иккинчи ўринни эгаллади. Брус ва таяниб-сакраш машқларида Аннага учинчи ўринлар насиб этди. Ушбу натижалар кўпқарашда иккитдорли спортчимизнинг бешинчи ўринда мустақамланишига замин яратди. Яна икки спортчимиз алоҳида машқларда ўзларини кўрсатишди. Хусусан, Келдиёр Ҳасанов отдаги машқларда кумуш медал билан тақдирланган бўлса, Иштиёр Раҳматов эркин машқларда учинчи бўлди.

УЧИНЧИ
ЎРИНЛАРНИ
ЭГАЛЛАШДИ

Чехия пойтахти Прага шаҳрида самбо бўйича жаҳон Кубогига бахсларига яқун ясалди.

Қизғин шундаки, иккитдорли мураббий Равшан Аҳмад-жоновнинг шогирдларидан уч нафари нуфузли мусобақаларда ўз кучини синаб кўрди ва уларнинг барчасига бронза нишонлари насиб этди.

52 килограммгача энгил вазнда Шавкат Жўраев, 74 килограммгача вазн тоифасида эса Акмал Эшов учинчи ўринларни қўлга киритди. Энг донгдор полвонларимиздан бири - кураш бўйича жаҳон чемпиони Ақобир Курбанов эса 82 килограммгача вазн тоифасидаги курашчилар баҳсида учинчи бўлди.

ШОССЕДА -
ВЕЛОПОЙГАЧИЛАР

Тошкент вилоятида велоспортнинг шоссе тури бўйича Ўзбекистон чемпионати мусобақалари ниҳоятда қизиқарли ўтди.

Аёллар ва эркеклар ўртасида ўтказилган ҳаяжонга бой пойғаларда Фаргона вилояти спортчиларига тенг келадиганлар топилмади. Улар беш турдаги пойғанинг учтасида ғалаба нашидасини суришди. Аёллар ўртасидаги велоспортда ҳамшахримиз Евгения Тарасенкога кумуш медал насиб этди.

Ўз мухбиримиз

«ЁШЛАРДА ТАДБИРКОРЛИКНИ
ШАКЛЛАНТИРИШ»


Республика «Камолот» ёшлар ижтимоий ҳаракатининг Марказий кенгашида Европада хавфсизлик ва ҳамкорлик ташкилотининг Тошкентдаги маркази томонидан ўтказилаётган «Ёшларда тадбиркорликни шакллантириш» мавзудаги семинар иштирокчиларига сертификатлар топширилди.

Ёшларни замонавий касб-хунарга ўргатиш, уларда бозор иқтисодиёти қўнқималарини шакллантириш, кичик бизнес ва тадбиркорликка жалб этиш мақсадларига йўналтирилган семинар-тренинг машғулоти икки йилдан буён ўтказилиб келинмоқда. Семинар юртимиз олий ўқув юртида иқтисодиёт йўналишида таълим олаётган талабалар учун мўлжалланган бўлиб, унинг биринчи босқичи ўтган йилнинг сентябрида Қорақалпоғистон Республикаси ва Хоразм вилоятидан саралаб олинган талабалар иштирокида бўлиб ўтган эди. Семинарнинг иккинчи босқичи эса шу йилнинг 21 июнида бошланиб, унда Қашқадарё ва

Сурхондарё вилоятлари олий ўқув юртида таълим олаётган талабалар ичидан сараланган йигирмага яқин ёшлар ўзларининг кичик бизнес ва тадбиркорлик йўналишидаги лойиҳалари билан қатнашди.

Ташкилотчилар ёшлар томонидан ишлаб чиқилган лойиҳаларнинг аксарияти келажакда республикамиз тараққиётига ўз ҳиссасини қўшадиган лойиҳалар эканлигини таъкидлашди. Ғолиб лойиҳаларга молиявий қўмак берилиб, ёшларни оёққа туриб олишлари учун қўлдан келгунча ёрдам берилди.

Инобат ЭГАМҚУЛОВА,
«Туркистон-пресс»



Ойижон! Яна олма олиб келинг!



Европа чемпионати

ПОРТУГАЛИЯ — ФИНАЛДА

Кеча китъа чемпионатида ярим финал бахслари бошланди. Лиссабондаги ишқибозлар билан лик тўла «Жозе Аьвалде» стадионида майдонга Португалия ва Голландия терма жамоалари тушишди.

Икки жамоанинг тажриба ва маҳоратини қўйслайдиган бўлса, албатта голландлар рақибларидан устунроқ кўринадилар. Лоллар мамлакатини чарм тўп усталари икки бир жаҳон чемпионатларининг кумуш совриндори ва 1988 йилда Буюк мураббий Ринус Михелс етакчилигида ҳамда Ван Бастен — Гуллит — Райкард училигининг улкан маҳорати ёрдамида китъа чемпионлигини қўлга киритган бўлса, португалияликлар жаҳон чемпионатида учинчи ўринни эгаллаганлар, Европа чемпионатида эса уларга совринли ўринлар насиб этмаганди. Шундай бўлса-да, футболда «Ўз уйингда ҳатто деворлар ҳам ғалаба

қозонишга ёрдам беради», деган нақлнинг борилигини ҳам унутмаслик керак.

Майдонга Португалия термаси жамоа сардори Луиш Фигу бошчилигида бироз жароҳат олган Нуну Гомешдан ташқари жанговар таркибда тушган бўлса, голландлар таркибиде бир оз ўзгаришлар рўй берди. Бу гал уларнинг ҳужум чизигида Пиер ван Хойдонк ва Марк Овермарс каби тажрибали футболчилар тўп сурди.

Баҳс португалияликларнинг ҳужумлари билан бошланди. Кучли қўллаб-қувватлаш остида бундан ўзгача бўлиши ҳам мумкин

эмасди. Ўтган ўйиндан фаркли ўлароқ Луиш Фигу ҳам бу гал ўзининг етакчилик хислатларини намоён этган ҳолда жамоадошларига катта ёрдам берди.

Майдон эгаларининг ҳужумкор ўйинлари ўз самарасини бериб, 26-дақиқада моҳир ярим ҳимоячи Кристиану Роналду ҳисобини очди. Ҳужумларнинг бирида Фигунинг ўнг қанотдан рақиблар жарима майдончасига ёриб кириб ноқулай вазиятдан туриб берган кучли зарбаси эса дарвоза устунига тегиб қайтди. Биринчи бўлим 1:0 ҳисобида поёнига етди.

Иккинчи бўлимнинг ўн учинчи

дақиқасида Манишу Рибейрунинг аниқ зарбаси орқали ҳисоб янада ошди. Бу гол голландларни жуда қийин аҳволга солиб қўйди. Улар бор кучларини ҳужумга ташлашга ҳаракат қилишди. Қарши ҳужумларнинг бири португалияликлар ҳимоячиси Жорже Андраденнинг ногаҳон тўпни ўз дарвозасига киритиб қўйиши билан аяқуланди.

Голландларнинг бошқа ҳужумлари ўз самарасини бермади. Фақат қўшимча вақтда белгиланган хавфли жарима тўпи улар учун сўнгги умидлардан бири бўлса-да, Пиер ва Хойдонк уни дарвозага аниқ йўллай олмади. Энг ачинарлики, голландлар Чехия билан ўтказилган беллашувдаги каби ажойиб ўйин кўрсатолмадилар ва ҳақли равишда чемпионатни тарк этишга мажбур бўлдилар.

Бугун Чехия ва Греция термалари иккинчи ярим финалда ўзаро куч синашади.

Дилшод ИСРОИЛОВ

«01»

ЎТ БАЛОСИДАН ЭХТИЁТ БЎЛИНГ

Ёз мавсуми бошланганидан буён Тошкент шаҳрида фуқароларимиз ташлаган чиқиндилар, очик майдондаги қуруқ ўтлар туфайли ёнғинлар сони тобора кўпайиб бормоқда. Вақтида ўриб олинмаган қуруқ ўтлар катта ёнғинлар сабабчиси бўлиб, бугунги куннинг асосий муаммоларидан бири ҳисобланмоқда.

Шу кунларда содир этилган ёнғинларни таҳлил қилсак, шахримизнинг деярли ҳар бир туманидаги катта очик майдонларда қургин ўтлар ёнмоқда.

Маълумки, ёнғин бепарволик ва лоқайдлик оқибати. Бундай қўнғилсиз ҳолатлар туманлар ободонлаштириш йўловчи тутаб турган сигарета қолдиқини ташлаб, ўзи билмаган ҳолда катта ёнғин сабабчиси бўлиши мумкин. Кўчаларда уйнаб юрган болажонлар эса чиқиндиларни ва очик майдондаги қолип кетган қуруқ ўтларни ёқиб, ўзлари ҳам ортиқча ташвиш келтирмоқдалар. Лекин эҳтиётсизлик ва бепарволикдан келиб чиққан ёнғинлар катта тафоятларга ва қўллаб ҳолларда инсон ҳаёти учун фожели оқибатларга олиб келиши мумкинлигини ҳар бир инсон тушуна билиши лозимдир.

Бундай ва бошқа содир бўлаётган ёнғинларнинг олдини олиш юзасидан ёнғин хавфсизлиги хизмати ходимлари шаҳар ҳудудиде жойлашган турар жой биноларида, маҳаллаларда, аҳоли гавжум жойларда, болалар орасида учрашувлар ўтказиб келмоқдалар. Газ ва электр иситиш жиҳозларидан тўғри фойдаланиш, ёш болаларнинг олов билан ўйнашларини чеклаш ва уларни назоратсиз қолдирмасликка чорловчи ҳар хил эслатмалар, рангли плакатлар чиқарилиб, аҳоли орасида тарқатилмоқда. Шунингдек, «Ёшлар» телеканалининг «Олов билан юзма-юз» деб номланган кўрсатув томонидан бевосита шахримиздаги Қўйиш марказидан ёнғин оқибатида болаларнинг қўйиш ҳолатлари тасвирга туширилиб, мунтазам равишда эфирга узатилади.

Ёнғин чиқмаслиги учун, аҳоли ва ободонлаштириш бошқармалари томонидан ободонлаштириш ва тозалаш ишларини қучайтириш лозимдир. Кўчаларда йиғилиб қолган қуруқ ўтлар, майиш чўчиндилар ва шох-шаббарларни ўз вақтида олиб ташлаш, қаровсиз болаларга эҳтиёткорликни ўргатиш ва ўнмаган сигарета қолдиқини ҳар хил ерга ташламаслик даркор.

Баҳодир ТЎХТАЕВ,
Тошкент шаҳар ИИББ
ЁХБ муҳандиси, ички
хизмат лейтенанти.

«ИШЛАБ ТОП!»

Жаноб тадбиркорлар ва муҳтарам корхона раҳбарлари!

Биз камолот, истеъдод, ғайратга тўла ёшларни. Бизга фақат Сизнинг таърифи ва кўнгилнинг етказишда. Ғайрат ва таърифи билан таърифи ва кўнгилнинг етказишда. Ғайрат ва таърифи билан таърифи ва кўнгилнинг етказишда.



Тошкент шаҳар «КАМОЛОТ»и тадбиркорларга «Ишлаб топ!» ижтимоий оқсисиде фаол иштирок этиб, ёшлар учун мавсумий иш ўринларини тақдим этишини тақлиф қилади.

Қўшимча маълумотларни

137-72-20, 137-72-21

телефон рақамлари орқали алоқа марказидан олишингиз мумкин.

Ёки ушбу вебсайтлардан оқция ҳақиқатга ахборотга ё бўлишингиз мумкин:

www.tashkentkamolot.uz

www.2oxygen.com

www.kvn.uz

Акцияда қатнашган тадбиркорларга «Тасвир» нашриёт уйининг барча нашрларида реклама жойлаштириш учун имтиёзлар берилди.



Бош муҳаррир
Акмал АКРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:
хатлар — 133-29-76;
ўзловлар:
133-28-95, 132-11-39;
факс: (3712) 133-29-09.
Хажми — 2 босма тифок офсет усулида
босилади.
2812 нускада босилади. Қонғз бичими А-3

Газета Тошкент шаҳар
Матбуот ва ахборот
бошқармасида 02-1-рақам
билан рўйхатга олинган.

Душанба, сешанба, чоршанба,
пайшанба ва жума кунлари чиқади.
Нашр кўрсаткичи — 563

Нашрни етказиб бериш масалалари бўйича турар жойлардаги почта бўлимига ёки «Тошкент почтачиси»га — 133-74-05 телефонига мурожаат қилишингиз мумкин.

Газета «Тошкент оқшоми»нинг компьютер марказида терилиб ва сақлалади.
«Шарқ» нашриёт-матбоба акциядорлик компанияси босмахонаси.
Корхона манзили: «Буюк Турон» кўчаси, 41-уй.